

四庫全書

子部

欽定四庫全書

子部  
萬姓統譜卷十一

詳校官中書臣徐志晉

主事臣祁韻士覆勘

總校官知縣臣楊懋珩

校對官中書臣王家賓

謄錄監生臣胡念祖

欽定四庫全書

萬姓統譜卷十

明 凌迪知 撰

上平聲

七虞

吳

延陵羽音周太子泰伯仲雍封吳後為越所滅子孫以國為氏又望出渤海濮陽

周

吳季札

吳泰伯十九世孫父壽夢有四子長諸樊次餘祭次夷昧次季札壽夢見札賢欲立之札

辭乃立諸樊復讓札謝曰曹人欲立子臧子臧去之以成曹君札雖不才願附於子臧之義諸

樊卒餘祭立欲傳以次必致國於季札卒不受封於延陵故號延陵季子

吳芮

鄱陽人秦時為鄱陽令甚得江湖間人心號曰番君天下初叛秦黥布歸芮因舉兵以應諸侯

沛公攻南陽芮將梅鋗與偕攻析郢降之後項羽立芮為衡山王鋗封十萬戶為侯羽死漢高

帝以銅書從入武關故德

芮徙為長沙王薨謚文

吳起

魏人善用兵仕魏與武侯浮西河而下論在德不在險與田文論功去魏適楚楚悼王慕其賢

以為相

漢  
吳公

上蔡人文帝時為河南守治平為天下第一言洛陽人賈誼年少頗通諸家之書帝召以為博士

吳恢

南海太守欲殺青簡以寫經書其子祐年十二諫曰馬援以薏苡興謗王陽以衣囊徵名嫌疑

之間先賢所謹恢乃止撫其

首曰吳氏世不乏李子矣

吳祐

字季英陳留長垣人父恢南海太守祐年十二

隨至官恢欲殺青簡寫書以祐諫而止祐舉孝

廉仕至齊相梁冀誣誅李固馬融為作章表祐

吳良

臨淄人初為郡吏不事欺諂東平王蒼辟為西

曹又薦其公方廉恪恭儉安貧白首一節明帝

吳漢

字子顏南陽宛人為入質厚少大造次不能以

解自達隱若一敵國及在朝廷斤斤謹質形於

體貌勇鷙有智謀諸將鮮能

及者拜大司馬封廣平侯

三  
吳碭

安城長吳孫權使呂岱取長沙郡碭據縣拒之權遣魯肅攻圍碭突出曰碭知有漢而不知有

吳遂死之

吳檠

烏程人仕吳為曲陽長治有名蹟黃武初與呂範等拒魏將曹休於河口值天大風諸船綬絕軍多溺水攀檠船請援左右以為船重必敗檠曰船敗當俱死爾奈何棄之所活者甚衆官至

太子太傅

吳範

字文則上虞人治歷數知風氣孫權起於東南範委身服事每災祥輒推數言狀其術多效初權為將軍時範嘗曰江南有王氣亥子之間有大福慶權曰若終如言以君為侯後論功行封以範為都亭侯

晉 吳隱之

字處默，濮陽人。博涉文史，有清操，為中書侍郎，嘗為廣州刺史。州有貪泉，隱之飲而賦詩：

以見志在州清操愈厲。後拜度支尚書，授光祿大夫。

吳猛

濮陽人。少有孝行，夏月手不驅蚊，恐其去噬親。遇至人丁義，授以神方，嘗渡江，值風猛，以白羽

扇畫水而渡，從許君學道，遂飛昇去。

吳達

烏程人。以孝廉辟，早值歲荒，合門疫死者十三人。達甘心傭役，積值營葬十三棺。

吳商

字彥聲，太康三年分故鄆立長城縣，因為長城人。通經術，徵為東宮校書。四方從學者甚衆，官

至侍中

南 北 吳邁遠

好為篇章，宋明帝見之曰：「此人歇絕之後，無所復有。」

吳苞

字天蓋善三禮及先莊徵為太學博士不就立館鍾山下教授

吳明徹

字通昭秦郡人陳宣帝時議北征明徹決策請行大破齊師於呂梁及秦州瓜步等城相

繼來降宣帝以秦郡明徹鄉里具太牢令拜祠塚上文武明儀甚盛鄉人榮之

吳欣之

江陰人宋元嘉末弟慰之為江陰縣吏隨王誕起義元凶遣軍主華欽討之見執將死欣

之詣欽乞代弟命兄弟皆見原齊建元三年詔旌表之

吳達之

義興人嫂亡無以葬自賣為奴以具棺槨從弟欽伯夫妻荒年略賣達之貨田贖之遂與

同處郡命欽伯為主簿固以避兄達之又以世舊田與弟弟亦不受田遂閒廢齊建元中表其門



吳喜

歸安人少知書兼習戰陣陳宗時領兵征討屢建大功仕至都督豫州諸軍事

吳均

字叔庠安吉人天監初柳惲為湖州刺史辟為郡主簿日與賦詩士多效之號吳均體著齊春

秋東漢註火通續釋文等書

吳遵世

字季緒少學易入恒山忽見一老人授以開心符遵世跪水吞之遂明占卜後出游京洛

以卜筮知名

隋 吳嶠

雪溪人精明天文袁天綱師事之煬帝時嘗過鄴中告其令曰中星不守太微主君有危而王

氣流萃於秦地子知之乎令不之信及唐高祖即位始知其言之不誣

唐 吳保安

魏州人仕為義安尉姚州都督李蒙表掌書記後蒙與蠻戰沒判官郭仲翔被執欲得千

鯁贖之保安為經營十年得鯁贖仲翔以歸

吳劬

元和間由水曹入翰林四十年即致仕初自延陵遭濮陽後樂貴溪山水之秀遂居焉好學善

文屢辟不就

吳武陵

元和中為太常博士時禮侍崔郾試進士東都武陵謂曰君為天子求奇士敢獻所益出

袖中書措坊為郾讀之乃杜牧阿房宮賦曰請以第一處之

吳湊

濮州人才敏而謙畏德宗初為福建觀察使美譽四騰還為京兆尹請簡宮市料中官高年謹

信者為令平賈和售以息眾謹後兼戶部尚書卒謚曰成

吳仁歡

新安人永泰初草寇方清攻破池之石埭偽置閭門縣仁歡率鄉兵破之歙州刺史孫公

綽上其事授朝散大夫石州刺史明年賊平因其壘為祁門縣遂以仁歡為令有惠政卒民甚哀之

吳錄

乾寧中為會稽令董昌反召錄問策錄曰王真諸侯遺榮子孫而不為乃自取滅亡昌怒叱出

斬之并滅

其家族

吳澈

湊弟初授太子詹事累遷金吾衛大將軍循循謙謹見重朝廷時朱泚叛澈請持節諭慰之由是被泚害德宗悲哭

贈太子太保謚曰忠

吳道玄

字道子陽翟人仕為兗州瑕丘尉官至寧王友少學書於張旭賀知章不成因工畫其筆法超妙為百代畫聖玄宗召入供奉為內教博士非有詔不得畫

吳競

汴州浚儀人貫知經史方重寡諧累官右拾遺  
玄宗初立銳於決事競慮其果而不精上書切

諫拜諫議大夫修國史事多  
核實不少假借人比之董狐

吳筠

華陰人通經善文辭性高鯁玄宗召至京筠請  
隸道士籍入嵩山又召見問道筠開陳皆名教

後仍還嵩山  
終不復出

吳少微

新安人登進士第長安中為晉陽尉與武功  
富嘉謨友善先是天下文章以徐庾為宗氣

調益弱獨少微嘉謨屬詞本經學雄邁  
高麗時人慕之大體大變稱為吳富體

吳公約

餘杭人黃巢之亂公約以鎮遏使從董昌敗  
巢於西鄙徐冠據姑蘇授北面諸軍行營招

討使禦之推鋒破銳日有聲稱累官至秋曹民  
部二尚書公約薄於進取為將三十年家無長

物

吳通玄

海州人與弟通微皆博學善文章始通玄舉神童又擢大解清麗科德宗立弟兄踵召為

翰林學士兄弟並知制誥

吳善經

縉雲人權德輿集有故太清宮法師吳先生碑名云先生族系于東吳築室于仙都而演

教於明庭棲神于太清隱機于開元歸根于露仙其來適然其去寥然

五代吳巒

字寶川鄆州廬縣人清泰中為大同沙彥珣節度判官晉高祖起太原召契丹為援彥珣為契

丹所虜巒主州事閉門拒守高祖立以雲州入于契丹而巒猶守城不下契丹圍之凡七月高祖義密所為以為武寧軍節度副使後代王令溫守貝州契丹來攻牙將卽珂開門引契丹入

城巖投

井死

吳淑

字正儀丹陽人父文正好學事楊吳至太子中允淑幼有俊才韓熙載潘佑稱為中林蕙蘭

吳程

字正臣山陰人起家校書郎吳越王承制改金部郎中提舉諸司公事文穆王時奏授職方郎

中知睦州拜丞相後為威武將軍節度使卒謚忠烈

吳仲舉

興國永興人仕南唐為池陽令宋兵渡江衆欲以城降仲舉以大義責之遂殺曹彬所遣

使者城陷仲舉被執彬責以殺使者之罪仲舉曰世祿李氏國亡而死職也彬義而釋之

宋 吳虔裕

許州許田人少為郡吏歷漢周入宋為千牛衛上將軍仍判左衛仗事每朝會從游宴上

憐其壽高常慰撫之  
卒年八十八贈太尉

吳柔勝

字勝之宣城人幼聽其父講伊洛書知持敬之學淳熙中登進士歷太學博士始以朱熹

四書與諸生誦習於是士知趨向後以秘閣修撰奉祠卒謚正肅

吳潛

字毅夫柔勝子舉進士第一自尚書郎遷樞密使歷官左丞相判慶元論國家安危治亂之原參章鑑沈炎等罪惡落職為賈似道所排謫循州潛在循預知死日語人曰吾將逝矣夜必雷

兩大作已而果然作詩頌端坐而逝封許國公

吳奎

字長文北海人奉使契丹遇其主加稱號邀使者入賀奎自以使事有職不為往比還中道與

敵使遇敵使人衣服以金冠為重紗冠次之而使人輒欲以紗冠邀漢使盛服奎不許而殺其禮見神宗即位拜樞密副使踰月參知政事以議王安石新法黜知青州卒謚文肅奎少甚貧

既貴買田為義莊以調族黨朋友卒之日家無餘貲

吳璋

字南玉順昌人自少岐嶷異羣兒既長問學充博紹聖四年第進士歷官州郡所至奉法修職

以朝請大夫知韶州賜三品服致仕卒子南老直秘閣主管經略安撫司公事

吳儀

字國華劍浦人清修力學榮利不入於心垂釣橘溪上超然自適時或行歌於松蹊竹墅人莫

窺其際大為楊時所重時嘗題釣臺及咏歸堂羅從彥嘗師事之自號審律時稱審律先生

吳熙

字李明博學屬隱操或從人之談道談文則傾心瀉意怡然終日語之以勢利俛焉不答竟去

與從兄儀稱雙壁元祐間陳瓘里居以熙兄弟學行言於郡守守延二人詣學講經令諸生列

聽仍以遺逸薦于朝得召赴闕



吳玠

字晉卿隴甘人少穎悟有志節日誦書史凡往  
事可師者錄寘座右用兵決機變化如神建炎  
中以戰功累遷涇原路副總管徙秦鳳張浚承  
制用為都統制與弟璘戮力協心據險抗敵卒  
保全蜀後累加檢校少師四

川宣撫使孝宗時追封涪王

吳遵路

淑之子少穎異第進士天聖初以太常博士  
為秘書校理不能阿附權貴出知宣州終龍

圖閣直學士家無餘貲范仲淹分  
俸周之子瑛仕為比部員外郎

吳淵

字道大柔勝子苦志力學嘉定中進士累官端  
明殿學士沿江制置使封金陵侯進爵為公後

拜叅知政事卒贈少師所著  
有易解及退菴文集奏議

吳延祚

太原縣人性至孝好學有將略任周為樞密  
使宗初為雄武軍節度使鎮京兆卒贈侍中

子元輔好學善筆札官至定州  
鈐轄次子元載官至左衛將軍

吳元辰

延祚子性謹讓喜讀春秋左傳太宗選尚公  
主累官安州觀察使歷知郾定河陽洛徐州

有憂民心待賓佐  
以禮卒贈中書令

吳處厚

字伯固邵武人嘉祐初第進士元豐中為承  
議郎以皇嗣不育上言程嬰杵臼全趙氏孤

兒乞加封爵上允之元祐間知漢陽軍有善政  
以怨蔡確言確昨謫安州作夏中登車蓋亭絕  
句十篇內二篇譏訕尤甚確南竄擢處厚知衛  
州紹聖四年再貶元祐黨人追處厚歛州別駕  
字濟之邵武人紹熙初擢進士第開禧初自武  
學諭遷太學博士時韓侂冑擅權炎可外通判  
建寧軍陞辭極言楮法之更大失人心又乞復  
祖宗治賦吏舊法至郡寬征嗇用改興化軍先

教化崇禮遜政績  
甚多終更奉祠卒

吳志興

揚子人世篤孝義其家世七代約三百餘年  
不分異積善好施鄉人稱為吳善三公高宗

封為迪功郎卒年九十三子汝明嘗封股療母  
疾有靈芝生堂側開禧中敵入境他室廬皆焚

蕩汝明室獨存嘉定

中以事聞詔旌表

吳璘

玠弟從玠攻戰積功擢秦鳳路經略安撫使歷  
知熙秦二州節制陝西安撫諸路時和議方堅

而璘治軍經武常如敵至孝宗時拜太傅後封  
新安郡王及卒追封信王代兄守蜀二十年隱

然為方

面之重

吳安國

字績卿麗水人宣和初太學進士累遷考功  
郎中以太常少卿使金金人渝盟拘留欲脅

服之安國毅然不屈曰吾首可得吾節不可奪金人不敢犯靖康初遣還後知袁州

吳師禮

錢塘人太學上舍賜第徽宗時為開封府推官治蔡王獄不使誣及王人服其功累遷右

司員外郎以直祕閣知宿州卒兄師仁篤志厲學有孝行官太學博士

吳芾

字明可仙居人舉進士累官龍圖閣直學士致仕芾前後守六郡各因其俗為寬猛吏莫容奸民懷惠利嘗曰視官物當如已物視公事當如私事與其得罪於百姓寧得罪於上官為文豪

健俊整有表奏五卷詩文三十卷

吳梅鄉

字清淑仙居人嘉定十七年特舉仕至忠州文學從朱子游所著有經說語錄

吳球

字元璣建炎中赴廷試首言用相非人太學生陳東以直諫誅恐他日有指鹿為馬終無敢發

其奸者又言高宗無規恢遠略降卞州助教未  
幾復進士出身歷泰州興國軍福州明州教授  
德安人開禧間與弟宏愈同登進士官至制幹  
累贈正議大夫宏饒州司戶愈官至沿江制置  
使兼知鄂州卒謚文肅元子革嘗肄業官至刑  
部尚書卒謚清惠宏子觀官至江東提刑知饒  
州

吳元

吳沆 崇仁人幼孤事母孝政和間獻書於朝不用歸  
隱環溪後舉不求聞達郡以沆應詔所著有易  
論語發微老子解環溪集

吳名揚

金谿人咸淳中進士歷官浙西制幹文天祥  
招徠天下士名揚與焉後奏除兵禮二部架

閣踴躍赴義意氣揚  
揚感激傾動一時

吳戴

字叔才龍泉人以行義見推甘於隱遁康定中郡守孫沔奏以教授州學部使者薦于朝賜粟

帛授將作監主簿卒門

人私謚曰冲和先生

吳中復

仲舉子景祐間與兄弟幾復嗣復聯名登第中復初知岷州縣毀淫祠廬於居官通判潭

州累遷殿中侍御史風節峻厲仁宗以飛白書鐵御史三字賜之後擢龍圖閣直學士歷知江

寧府永興軍諫青苗法免官

子立禮為御史有父風節

吳必大

興國人以父任補官為吉水丞屬權臣非朱文公為偽學遂致仕必大早事張拭呂祖謙

晚師天公深究理學議論操守為儒林所重

吳挺

字仲烈以門功補官紹興三十一年拜熙河經略安撫使明年挺被檄與都統制姚仲率東西

路兵攻德順以功授團練使孝宗即位拜武昌軍承宣使尋加熙河路經略安撫使中軍統制光宗詔間備邊急務即建增儲之策由是糧糗不乏詔加太尉卒贈少師開府儀同三司

吳可當

字時文登進士第立朝有諫言直節終司農少卿所著有補劄叢稿藏于家

吳範

字執侯大觀政和間詔舉八行閭里以範應獨守其志辭不就子仲基仲達皆第進士

吳方

字季仁八行先生範七世孫嘗受學於陸子方之門延祐中有司薦為處州儒學錄不就自號懶菴居士蔡港務官虧稅錢將鬻女以償方為之代輸其人請以女備使令拒弗納寓官有受

代死無所歸者方讓所治壽域葬之

吳達老

字信遇惠安人政和五年進士知惠州大興學校承節郎謝革者遣徒殺仇家刳其物焚

所居室獄具達老慮賊或奪囚先處決之乃自劾待罪以母老乞祠侍養

吳壽昌

字大年邵武人初謁佛者踈山喜談禪晚游朱文公之門著問答略嘗問張拭呂祖謙以

南軒非壽昌所敢知東萊博學多識則有之守約恐未也熹深然之

吳點

字聖與邵武人元豐中第進士與蔡京舊京拜相點為太僕丞首求去京不樂以郡倖處之終

身

吳叔告

字君謀莆田人狷介寡合端平進士第一為秘書郎輪對言今水合未來交口談闕野之

效裸獻偶霽動色稱格天之祥大臣意向回隱事機牽掣百執事循默者多關少出知撫

州以正風教扶善良為先景定中召為尚左郎官歷大理少卿



吳駿

字晞遠韶甌已知名當世中元豐八年進士第調潞州上黨簿府尹梁燾薦堪充內外閑官太

宰張商英持節行部首加薦引知虔化縣通判  
永州未幾告老龍圖祖秀實以詩寄駿云官路  
聲名二十年江鄉舊仰二車賢推將事業歸塵  
外收得工大到酒邊解榻幾聞招隱士炷香終  
日對韋編公朝况是登耆哲早晚蒲輪穩着鞭  
年七十四卒有詩解二十卷文集十卷雄深雅  
健淵源浩博粹然脩衆體之長

吳公誠

字君與莆田人大觀中登第為古田尉積階  
朝散大夫清介有聞歷官三十年始終檢飭

凡衣服布帛家人所須悉因鄉里市  
致未嘗取之官死之日家無餘貲

吳珏

字仲玉興化縣人孝宗時為龍巖令益學原以  
養士會有建議增諸邑轉輸者珏力爭止之改

寧國軍僉判有孀婦無子或欲沒入其資珏曰  
利毫末以絕人將墜之緒仁者不為也聽其立

嗣終通

判漳州

吳擇仁

中復從孫為雍丘主簿宰相范純仁異之以  
知太康縣盜相戒不入境擢熙河路轉運判

官徙拈討使王厚伐青唐有功進集賢殿修撰  
為京畿都轉運使多善政終徽猷閣直學士

吳獵

字德夫醴陵人登進士第光宗時召試守正字  
上疏請覲重華宮後以秘閣修撰知江陵府金  
人犯境獵募死士分道夾攻金人遁及吳曦以  
反誅命獵充四川安撫制置使兼知成都府召

還卒謚

文定

吳泳

中江人嘉定進士歷官著作郎屢抗疏  
直言遷寶章閣學士所著有鶴林集

吳淑

字正儀丹陽人父仕吳淑以校書郎直內史歸朝久不調甚窮窘以近臣薦試學士院授大理

評事歷著作佐郎秘閣校理嘗獻九絃琴五絃阮頌太宗賞其優博又獻事類賦百篇詔命注釋淑分注成三十卷上之累遷職方員外郎疏請用古車戰法上嘉其博學淑性純靜好古有集十卷善筆札好篆籀取說文有字義者十八百餘修撰說文字義三卷又著江淮異人錄三卷秘閣閒談五卷子安節讓夷遵路皆進士及第

吳侗

字公度烏程人明經術善言語幼時補太學生崇寧五年試禮部中第一吳興自開寶以來魁

禮部者惟侗耳鄉人

榮之仕至剛定官

吳箕

字嗣之休寧人少孤立志讀書乾道五年登進士第主仁和簿分教臨川與象山諸公講明義

理宰當塗縣剖析民訟編類成有聽詞類藁十  
二冊趙忠定公汝愚尤加器重召審察尋以疾  
卒子會博聞強記登紹興元年第尉饒之鄱陽  
調金陵糾曹時丘崇為帥吏胥側足會不肯詭  
隨平反甚衆任滿不復出仕家  
居十餘年卒會子軫輔俱登第

吳升

字潛夫婺源人淳祐庚戌以布衣領薦登壬子  
進士第八史館授國史編校嘗以知縣洪從龍  
屬撰星源圖志晚號定菴所著有四書增釋又  
注朱子感興詩及丁巳雜藁卒年八十四從子  
康後著春秋誅意譴告百卷進于朝理  
宗覽而嘉之持旨與殿試調鎮江戶叅

吳發

字伯韞歙人十歲能屬文纔冠登第授藩陽簿  
調江陵士曹臨川法掾多所平反考較廬陵舉  
子持司馬遷諸家所言三皇五帝同異詰難久  
之發曰孔安國承詔作傳非私著者其衆乃服

為信州判官遇事益剛烈投龍泉丞嘉定己巳  
旱蝗倉臺委往虔元慮因邑宰尚嚴陞犴充斥  
徙而之他發移牒索之或罪或釋悉遣還家歡  
聲載道代歸即告老弟映字景齊登第授青陽  
簿從子德成登

紹興元年第

吳必明

字若愚崇安人父仲虎元豐中登第為容州  
司理有商夜宿旅舍同邸殺人者逃去商為

吏所執誣服仲虎力爭于守臣不見聽又請緩  
其事已而果獲殺人者終通判石州權知英州

必明用蔭入官調候官縣丞有豪貴占民田訟  
久不決必明判歸元主又卻餽金以廉聞後通

判汀州未赴而葉儂范汝為竊發必明竭家財  
集民兵防護鄉井除知邵武軍轉朝請大夫廣

東提

舉

吳復古

字子野揭陽人趣味趨逸初為官遊于兄居大母憂廬墓三年手植木墓傍後去其妻子

築庵麻由山中絕粒不食間游四方然一無所求待制李師中于世少所屈獨見復古稱曰白雲在天引領何及東坡潁濱暨一時名士偕傾下之每論出世法以長生不死為餘事以煉氣服藥為土苴軾嘗問養生對以曰安曰和及軾南遷見于真陽無一言及得喪休戚事獨曰邯鄲之夢猶足以破妄而歸真今子目見而身履之亦可以少悟矣軾嘗為之作遠游菴銘并序云

吳士龍

字子雲江潭人幼器識不羣書讀一過輒通善談兵淳祐間領監舉以輜略登右科授建

康帥司幹官制置隨任安慶望江宰時久旱禱雨即應歲以大稔適直時患親拯療之活民數

萬以母年八十急歸侍養撫孤姪如已子資產一無所私鄉邑稱之

吳季發

字宗勤與伯兄起巖同領淳熙十六年鄉薦初為司戶叅軍籍籍著聲稱歷秘書省正字

秘書丞天章閣待制兼右司諫喟然嘆曰吾親沒矣國勢亦已危矣今奸邪據位吾不能移事親者以事君而竊祿不去寧無愧乎遂工章引退終其身

吳國鑑

海康人紹聖初為太廟齋郎退居于家先是居人舍寇準為丁謂所害自後無人肯舍遷

客者及蘇轍編管雷州國鑑特創室館之因是連坐

吳輔

劍浦人天聖中第進士調道州推官會有避寇至者郡寮欲毀毀橋城守輔曰自槁而南者皆吾

民也安可棄民以自全邪聞者壯其言

吳居厚

洪州人嘉祐進士元豐中累官至戶部尚書以龍圖閣學士知開封府崇寧初拜尚書左

丞進中書門下侍

郎遷知樞密院事

吳棫

字才老建安人時號通儒著論語集說及考異語解書嘗惠字學訛誤作補韻若干篇朱熹評

近代考訂訓釋之學唯才老及洪慶善為優遂據其說以協三百篇之音

吳楫

字公濟崇安人幼穎悟紹興末鄉試不第退居田里閉戶讀書與李郁朱熹往復講明性理之學及儒釋之辨甚悉熹扁其讀書之所曰悅齋遣其子師事之晚年以特恩補官調靖江府臨

桂縣主簿

吳評

字正詞崇安人第進士調鄞尉值大旱部使者以聚歛諱言早評一以實報通判常州濬學溪



自蘇州引湖水以資灌溉民甚利之神宗時守南京召為太常少卿出知萊州復興水利以濟民趙抃陳襄蘇頌皆言許不宜置散地除命不拜或勸其以前功自敘許曰吾已在列卿位通侯若敘功寧不自愧竟致仕

吳申

字景山甌寧人皇祐進士為國子監說書神宗初為睦親宅都講初宗室坐序以爵自負主講官位席設於東隅申不肯坐曰宗室當以親族尊卑為序與講官分賓主夫宗正不能決出申疏以奏上是之講官正席自申始神宗擢為御史上言乞令內侍闕有無過犯然後驅使不得指名抽取或在外作過委開封府皇城司覺察於是闕寺謹畏宮闈清肅尋知諫院出知舒州

吳居仁

字溫父建陽人以特科歷古田尉攸縣丞融州節度推官所至以儒飾吏聽訟必以人倫

大誼斷曲直部使者下其所斷為州縣式居官奉法不妄有所取比歿無以為斂朱文公嘗對

黃幹稱為真廉吏

吳秘

甌寧人累官提點京東路刑獄御書政刑二字賜之所著有周易通神及揚子註太玄箋

吳及

通州靜海人舉進士累官太常博士至和中上疏言繼嗣事仁宗異其言用為諫官以勁直稱

遇事無大小輒言之後遷員外郎直昭文閣

吳思道

金陵人以詩為蘇軾劉安世諸人鑒賞官至團練使宣和末致仕後寓新安野服蕭然如

雲水人其高逸如此

吳簡言

字若訥長汀人以茂異決科累官祠部郎中嘗經巫山神女廟題詩云惆悵巫娥事不平

當時一夢是空成只因宋玉閒唇吻  
流盡巴江洗不清是夜夢神女來謝

吳敏

字元中儀真人妙齡秀發大觀初辟雍私試首選蔡京愛其文欲妻以女敏辭之累官校書郎

欽宗初立擢知樞密院事終廣西湖南宣撫使

吳獬

龍溪人兩領鄉舉又領漕舉退為學者師稱為省齋先生與陳知柔相友善知柔稱其貌古心古學古文古使具閉戶著書當

吳昌裔

字季永蚤孤痛自植立得程頤張載朱熹諸書研繹不倦舉嘉定進士歷官監察御史遇

事敢言後以寶章閣待制致仕卒謚忠肅

吳時

邛州人舉進士甲科知鄭縣徽宗時為辟雍司業出提舉河東常平童貫經略北方時因進對

言必速亂王黼怒斥為腐儒尋以徽猷閣待制奉祠時敏為大未嘗屬藁人目之曰立地書厨

吳雄

字伯英平江人年二十客臨安因蔡元定見朱仲晦於考亭遂授業與黃直卿康叔臨蔡伯靜

及其弟仲默講貫明徹雄博學貫通尤有志於當世星緯占候孫吳兵法咸詣其妙

吳元美

福州人紹興中為福建安撫司機宜坐鄉人鄭瑋告其作夏二子賦譏時宰又謂其家亭

號潛光有心於黨李堂名商隱無意於事秦秦檜甚惡之謫容州

吳懋

晉陵人仕為禮部員外郎靖康末金人立張邦昌王時雍用事坐政事堂懋發憤罵之曰反虜

吾不能繫虜如段秀實耶時雍面頸俱赤後吳升莫傳以表狀詣金營懋不屈而死

吳昉

知荆門軍鍾相之黨攻城昉闔室被害二子雍  
豐在襁褓間得免開禧間立廟軍城南賜額英  
愍

吳曾

崇仁人高宗時獻所著書累遷吏部郎奉祠久  
之起知靖州志在去貪吏以安邊民後知嚴州  
致仕平生苦學為文奇偉所著  
有得聞文集能改齋漫錄諸書

吳待問

字子禮浦城人與楊億同州里每造億億厚  
禮之門下年少多易之億曰彼他日非若曾  
可望也累官禮

部侍郎致仕

吳育

待問子少奇穎博學中進士甲科後以資政殿  
大學士尚書左丞知河南府卒謚正肅育性明  
果所至作教條簡而易行遇事不  
妄發發即不能挽有集五十卷

吳充

字冲卿育第與兄皆進士高第歷翰林學士熙寧中拜相政務安靜欲更新法乞召還司馬光呂公著等十數人性沈敏對家人語未嘗及國事卒謚正憲子安詩元祐中諫官安禮工部侍郎

吳豫

歛人弱冠夫怙嘔血彌年讀書不求甚解曰訓詁章句非吾所謂學也重義嫉邪築塲園于朱稼間以自老

吳欽

休寧人中漕舉補府學教授宋亡題其所居之屏曰殷周雖代而首陽自存晉宋雖更而陶徑自若時論高之

吳雷奮

休寧人景定元年進士授饒州司戶以剛直忤權貴去官後辟為荆湖安撫司準備差遣

不  
出

吳錫壽

休寧人吳徽之從子屋之子四歲而孤伯氏破其家或教之訟錫壽泣曰貧窶命也二祖

以孝友名家吾兄弟訟不辱吾先乎聞者賢之

吳輔

休寧人祖父箕第進士分教臨川與陸子靜講明義理之學歷官有善政輔嘉定間登第授崇安簿適汀郡寇作輔督軍餉賑民饑真德秀甚器之後擢監察御史兼崇政殿說書制詞極其褒獎輔感勵首列四疏上之皆嘉納尋以老乞歸

吳執中

字子權松溪人嘉祐進士歷官州縣門人呂惠卿方貴盛不肯附以進取大觀中為御史

中丞政和中星變執中奏推尋厥咎實由蔡京後以樞密直學士知越州

吳拭

字願道，甌寧人。舉進士，知蘇州。累官龍圖閣直學士。再帥成都。陞辭帝曰：「以卿清謹循良，故以

重地委卿。」

吳從龍

建康統制。紹定兵難，被擒，使至泰州城下，誘降。終不屈死。之詔廟祀。楊泰二州

吳師古

宜興人。舉進士。紹興中，宰臣秦檜決關金使以詔諭江南，為樞密編修。關

疏論和

之逆，貶師古。鉅木傳其疏，金募其書。十金為人所許。師古流袁州。

吳恩達

蔚州人。仕為闔平主簿。兄弟六人，嘗以父命析居。延祐間，父卒，治葬畢，泣告其母曰：「吾兄

弟別處，十餘年，今多破產，以一母所生，忍使苦樂不均耶？」即以家財代還，其逋更與共居。事聞

表其閭。



吳昶

歙人少立志為學朱熹歸省先塋昶首執贄館下得聞伊洛之學又徙至建州就正文公深嘉之安貧守道無意進取以薦徵郡校書弗就

吳儼

休寧人與兄俯齊名時為之語曰眉山三蘇江東二吳俯登乾道進士終太學錄儼登紹興進士歷官通判邕州張拭薦之朝召對便陳恢復大計極言大臣宜待之以誠使之任天下之重責近之臣宜待之以恩勿使干朝廷之事孝宗嘉獎之子廔私淑朱子之說深於性理之學隱居不仕

吳格

休寧人淳熙間登第歷官提舉浙西常平關鹽歲居荒歉之甚有欲令民於不種之田開藝自食官不收苗主不收租格主其說奏行之名為左曹郎官直秘閣帥紹興越有定關浮財物力

等錢大為民害格急為代輸求免科

率官至樞密都承旨起居舍人卒

吳激

建州人工詩能大字畫俊逸得婦翁米芾筆意後使金以知名被留為翰林待制未幾卒于金

所著有東山

集藏於家

吳革

金立張邦昌為楚帝革為閤門宣贊舍人不屈節異姓率其親事官數百人皆先殺其妻孥焚

所居舉義討張邦

昌不克而歿之

吳淞

崇仁人隆興初進士以朝臣薦召對孝宗題之陞太學錄改西外宗教所著有內字輯疆域志

等書

吳璣

字德仁蘄州人知郴州以虞部員外郎少壯致仕歸新臨溪築室種花釀酒賓至必醉或困臥

花間客有臧否人物者不酬一言人莫不愛其樂易而敬其高尚輕財重義人有負錢數十萬

而母老即焚其券

卒年八十有四

吳幾復

汝州人登進士皇祐中為太學直講知蓬州秩滿去父老拜送歌曰使君來兮父母鞠我

禮化行兮民無寒餓使君去兮不可復留人意悵悵兮淚雙墮歷鎮荆南子壽寧官至秘閣

吳思齋

字子善麗水人由任子入官忤貴似道流寓桐廬值宋改物家無擔石有勸之仕者輒謝

曰譬猶處子已嫁不能更二夫也

吳可幾

安吉人與弟知幾好古博學著十姓編凡姓氏所出悉有源委時號二吳父死兄弟廬墓

三年忽平地泉

出因號孝子泉

吳孜

會稽人嘗從安定胡瑗學名馳於嘉祐治平間會郡謀建學即捨宅為基學成太守張伯玉至

以使服坐堂上孜鳴鼓行學規伯玉然受其罰王十朋題云右軍宅化空王寺關監家為羽

士宮惟有先生舊池館春風歸入杏壇中

吳表臣

字正仲永嘉人累官吏部尚書秦檜欲使金議地界指政事堂曰歸來可坐此表臣不答

坐罷起知婺州復請祠以全晚節檜怒命言者劾罷之

元吳師道

字正傳蘭溪人幼學於金履祥延祐間除國子博士以禮部郎中致仕所著有易詩書雜

說春秋傳附韓戰國策校註及文集行世子沉仕本朝洪武中累官東閣大學士

吳直方

浦江人元統間以薦累官長史時權臣有欲為亂托克托丞相議出之直方實協贊關上念

其功解所繫金帶賜之尋陞學士未  
幾以集賢大學士致仕賜俸終身

吳鼎

永年人為入特達博通經史歷官大司農關事  
纂古今農桑錄累遷河北道提刑按察司使不

事華細嚴警大吏百職凜然卒封壽國公謚憲穆

吳萊

字立夫直方子七歲能詩賦族父幼敏家最多  
書萊每私取讀之幼敏偶指以一編誦之不遺

一字試以他篇皆如之遂盡出所藏書使讀自  
是該貫古今四方學者多師之既卒門人私謚

曰淵穎先生有  
淵穎集十卷

吳元珪

鼎子簡重深沉世祖奇其儀貌累遷禮部侍  
郎叅知中書省事尋加平章政事時政多所

論建封趙國  
公謚忠簡

吳澄

字幼清崇仁人自幼知用力聖賢之學著述有易春秋禮記尚書纂言學基學統私錄支言集

易外翼孝經章句諸書又校正皇極經世書并大小戴記老子莊子太玄經樂律及八陣圖郭

璞葬書仕至翰林學士學者稱草廬先生封臨川郡公謚文正本朝從祀孔子廟庭

吳仲迂

浮梁人號可堂博學明經隱居著書有四書語錄經傳發明春秋紀聞數十卷

吳當

澄孫通經史百家仕至翰林直學士時江南兵起授江西廉訪使募民兵殲建昌渠兇鄭天瑞又平撫州劇寇胡志學等後為撫州路總管退歸豫章杜門著書所著有學言周禮纂言若干

卷

吳訥

休寧人父禮元靜江府經歷常從牧五溪蠻洞訥學兵法習騎射授建德路判官兼義闕萬戶

守徽州隨元帥鄂爾和退屯浙西札溪戰敗不屈引刀自刎嘗於龍爪石題一聯云怪石有痕龍已去落花無主鳥來啼

明

吳履

字德基蘭溪人少從聞人夢吉學春秋後進有奇才為文學班馬尤工行草洪武初以有司薦

授南康丞歷知梧州有

異政宋景濂傳其事

吳良

鳳陽定遠人初名國興後賜今名器貌雄偉性剛直與弟禎俱有勇力元季歸附累有戰功命

為指揮使鎮江陰時有張士誠據姑蘇良繕城池利器械部伍整肅號令嚴明士誠畏威不敢

闖其境洪武初封江陰侯命討廣西蠻夷之亂數月間盡平其地卒追封江國公謚襄烈弟禎

封靖海侯

吳雲

字友雲宜興人性明敏善詩詞洪武初以求賢舉授弘文閣校書郎累官至刑部尚書出為湖

廣左叅政使雲  
南死節謚忠節

吳志淳

字主一無為州人能詩善書嘗仕元不顯遇  
滁泗兵起徙家豫章國初時與陶主敬劉伯

溫高李迪諸

名士並稱

吳印

孟縣人金山寺僧也才識卓異洪  
武中散歷仕途累陞陝西布政使

吳伯昂

歸德州人問學該博元末隱居不仕洪武初  
以儒士徵至京師儀度老成特拜國子監祭

酒造就人  
材有法

吳存

南昌人洪武中領鄉薦歷官中外才能著聞永  
樂間陞山東布政使寬平仁恕深得方面之體善



吟咏尤  
工草書

吳宏

餘干人以江西行省參政歸本朝命鎮饒州尋遣率兵取撫州南昌諸郡又從征下武昌以功拜中書左丞宏涉獵經史能詩

吳毅

南城人性敏學瞻學者尊稱為學海先生洪武初徵拜為博士典籤預修大明律令尋致仕歸教授鄉里為文古雅不事雕琢有學海集

吳伯宗

名祐以字行生而穎悟十歲通舉子業先達見其文嘆曰玉光劍氣終不掩洪武四年廷試對擢第一授禮部員外郎性剛直不屈忤胡惟庸坐謫未幾召還遷國子司業武英殿大學士所著有南宮彙使交集成均彙玉堂彙

吳沉

字潛仲金華人元國子博士洪武十二年薦舉為縣學訓導仕至東閣大學士進精誠錄及著

孔子封

王輯

吳孟勤

永新人詩文清麗尤善楷書學士胡廣之甥也薦孟勤入翰林孟勤薦楊士奇以自代士

奇由此召用人稱孟勤為知人官至楚府教授

吳琳

黃岡人詩禮名家父應澍號西山先生勤儉樂施琳性資純篤力於學問洪武中召為國子博

士歷浙江按察僉事入為起居注進吏部尚書

吳中

字司正武城人永樂初由太學生歷官工部尚書兼詹事進兼太子少保陞少保時營建三陵

及京城宮殿皆中董役先事蓄財以應時需未嘗闕乏陞少師卒追封荏平伯謚襄

吳溥

字德潤崇仁人洪武庚辰進士歷官翰林修撰永樂初遷國子司業為人清慎嚴重進必以禮

其教學必致力本原居官二十餘年操守如一雖家貧常分俸以給親故及卒無以為歛

吳克忠

允城子襲恭順伯洪熙初加封恭順侯太子太保能以忠節自勵從征虜寇力戰而沒追

封邵國公謚壯勇第克勤與兄克忠同沒於陣謚僖敏

吳訥

字敏德常熟人初為太醫院醫士性敏好學才識卓異宣德中用薦拜監察御史歷官南京都察院右副都御史剛介有為憲度振舉號思菴所著有小學集解諸書

吳昇

懷寧人宣德癸丑進士任工科給事中直氣遇事敢言尋陞浙江布政司叅議政績著聞

吳寧

字永清徽州歙縣人宣德中授兵部主事仕至兵部左侍郎

吳與弼

字子傳溥子江西崇仁人天順中徵聘至京師授左春坊左諭德固辭還山卒門人稱康

齋先生與弼風格高邁議論英偉宵次灑落師道尊嚴善感悟發人其學術質任自然務涵養性情有孔門陋巷風雲之意也

吳寬

字原博長洲人成化壬辰會廷試俱第一授修撰仕至禮部尚書掌詹事府卒贈太子太保謚

大定端靜淵穆廉潔方嚴平生不聞有毀譽之言亦不見喜愠之色其古所謂大雅君子者乎

吳廷舉

字獻臣湖廣嘉魚人成化籍梧州成化進士授廣東順德知縣歷陞僉事忤逆瑾逮詔獄謫

戍鴈門瑾誅復職仕至南京工部尚書萬厯中謚清惠在順德時督府欲為內臣營家廟公以民病弗聽舶司倚充貢市葛于縣舊皆辦於民公以非地產却之氣節拔若秋霜烈日獨行

自信不苟同乎俗筮仕四十年無以恤其身與  
妻子它諸功業且未盡其大節固已卓然萬夫

之表矣

吳昂

字德翼海鹽人舉進士知宜城清約廉靖知新  
建會寧庶人橫虐民民結寨丁家山以拒寧謂

為反宜兵之昂曰百姓為王乃爾非反也八山  
喻其黨皆叩頭散去縣大饑公無儲粟昂試抽  
補法賑活萬餘人累陞福建按察僉事有告妻  
殺夫者昂疑其獄禱于神夢一小兒據其腹昂

曰殺此夫者必杜福也踪跡之果杜福妻得不  
死闕人呼為神明昂性平易所至皆著善政及

歸如未仕儲書滿家所著  
有周禮音釋等稿藏于家

吳郁

字文盛休寧人幼穎敏倜達中成化辛卯鄉試  
士辰會試第進士授工部主事提督清江提舉

司痛革宿弊以廉能稱尋遷員外郎差權荊州  
竹木厥郁一以光明正大蒞之積年胥僨無所  
售其詐人既不怨課亦不虧一載還部尋差河  
南賑濟遷郎中出督遵化鐵冶能譽益著未幾  
擢雲南布政司左叅議分守安普道寬猛得中  
夷民悅服丁母憂服闋以疾卒號永潭所著有  
業

吳一貫

字道夫揭陽人成化十七年進士兩歷知縣  
皆有聲擢御史獨持風裁巡按浙閩黜貪墨

均徭役平漳寇所至肅然累陞至大理少卿嘗  
奉使經略邊務上安邊策數萬言多見采用時  
宦官劉瑾專權一貫任性忤之謫嵩明州同知尋  
陞江西副使有盜集城功轉按察使卒于軍中  
士民哀之  
立祠祀焉

吳驥

字文英少敏慧博學洽聞才名籍甚工為古文辭師相李西涯東陽時稱文章宗匠見驥所為

駱賓王廟碑嘆賞不能休其志乘傳記諸所著作皆得體裁文多可傳世者

吳洪

字禹時吳江人成化乙未進士歷刑部尚書子山字靜之正德戊辰進士歷刑部尚書

吳儼

字克溫宜興人成化丁未進士歷禮部尚書諡文肅

吳一鵬

長洲人弘治進士官編修時逆瑾用事見者皆膝席鵬獨長揖瑾怒改南曹世廟初以南

太常入賀上陳天命下及民之悴急宜崇德業以答天休命入東閣進宗伯請告歸為議禮者所忌遂出之南吏部公進退必以其道不肯依違諶文端

吳文度

字憲之江寧人少與兄文威茹苦力學登成化進士任龍泉知縣拜御史歷南京戶部尚

書居官不增廣不治產曰吾親起儒  
素今亦過分矣與故舊處猶布衣然

吳雄

仁和人弘治十四年為應天府尹風局嚴整以肅清為任時大璫任留臺者恃勢多所侵擾縣官不敢違雄一切裁之以法其勢少沮嘗曰任怨者不辭但不至瘠吾百姓耳

吳世忠

字懋真金谿人少穎發以易魁弘治二年鄉試明年第進士擢兵科給事中嘗諤自許急時之要嘗勸事大同還條上諸邊守備詞意懇惻他如請褒表革除死難諸臣論外戚壽寧侯不宜與百姓爭庄田劾真人張玄慶左道騙恣宜梳其爵及論救吏部尚書王恕皆人所難言者出為湖廣叅議歷陞光祿尚寶少卿大理寺丞至右僉都御史巡撫延綏以病乞歸所著有學庸通旨太極圖解洪範考疑等書及自輯其奏議若干篇題曰蠢愚錄



吳惠

字孟仁吳縣人弘治進士授行人使占城陞桂林知府時洞蠻扇亂朝議進兵討之惠單車抵

巢撫諭蠻酋遂服在郡十年陞廣東叅政性慷慨疎財篤義居官三十年田廬不改其舊子鴻

翰風流俊逸詩文清麗尤精小楷

吳凱

字相虞崑山人父早亡遺腹生凱能力學養母幼時里胥見役即詣縣自陳有老母在不能遠

離竊有志於學闕令芮闕中試京師授刑部主事改闕

老乞歸致就學後

仕凱精敏有治劇才平生以闕苟風儀嚴峻人望而畏之葉闕

律言行不尤重之闕

吳福

鄞縣人弘治進士任給事中使琉球海風蕩焉傾摧在戢頃眾恐懼福詭辭慰止之云當必無

患第謹脩之使回陞尚寶少卿出按察豫章復入守禮曹修諸經疏義出叅政陝歷三考遷布

政閔既得謝居吳中子憲完憲以孝著且以所居讓諸弟比之薛包

吳琬

字汝秀號甘泉長興人生而聰慧善詩大不屑科舉博覽典故留心性理之學築室堦塢山號

太古居幽棲屏跡充養弘深善邵子皇極數窮極奧妙與高書劉麟詩人孫一元輩結社號為

五隱所著有三十才廣志三百卷史類六百卷

吳麟

字允祥孝豐人嘉靖丙戌進士公性英敏篤於孝友初授刑部主事以才望為胡敏公禮重之

尋改河南道監察御史按治廣東執法勁峻風裁整肅時宰有蒼頭橫於部下公竟收治之遂

為所擠謫判泰州遷廬陵令歷山東按察副使告歸侍養所著有蒼源存稿藏于家

吳悌

字克誠金谿人嘉靖進士任御史敢言家居十年起歷刑部侍郎性抗直深於理學為時名臣

學者稱為

疎山先生

吳山

字曰靜高安人嘉靖乙未進士第二歷禮部尚書翰林學士太子少保致仕隆慶中起南京吏

部尚書  
辭不出

吳嘉會

字修禮山西振武人嘉靖進士歷官兵部侍郎性率直有才名忤時相謫戍尋復

吳子孝

字純叔一鵬子嘉靖己丑進士改庶吉士少穎異與時不合竟為權奸所厄以光祿寺丞

出補湖藩叅議提督太和山宮亦竟止於是子孝髫時侍文端公燕指傀偶中婦人命賦之子

孝應口曰裝成美婦人歌舞盡堂春一笑青燈下原來不是真坐客絕倒

吳嶽

字維高汶上人嘉靖壬辰進士歷南京吏部尚書

吳維嶽

字峻伯麟子弱冠以禮魁浙嘉靖戊戌登進士授江陰令轉刑部主事同考會試所舉得

名士歷山東提學副使齊魯之士蔚焉改觀陞右僉都御史巡撫貴州平巨酋諸夷畏服尋改

南遂歸嶽家世稱雄顧折節恭儉性直諒高氣節好古篤學為時所稱

吳桂芳

字子實新建人嘉靖甲辰進士歷提督漕運工部尚書

吳百朋

字維錫義烏人嘉靖丁未進士初名伯朋世廟改今百字歷南京刑部尚書

萬姓統譜卷十

欽定四庫全書

萬姓統譜卷十一

明 凌迪知 撰

上平聲

七虞

胡

安定胡音周文王元妃配胡公滿封于陳為周陶正以謚為姓又望出新蔡洛陽

周

胡齷

齊人

胡衍

秦代蒲蒲守恐請胡衍為蒲衍謂樛子曰攻蒲為魏則善為秦則不可為賴矣請釋勿攻以德

衛君於是

遂解去

漢

胡安

臨邛人聚徒教于白鹿山  
司馬相如嘗從之授經

胡建

字子孟河東人守軍正丞甚得走卒心監軍御史為奸建收斬之由是顯名後為渭城令治甚

有聲

胡剛

南郡華容人清高有志節平帝時大司徒馬公辟之值王莽居攝剛解其衣冠懸府門而去遂

亡命入交趾隱於屠肆  
之門後莽敗乃歸鄉里

胡廣

字伯始剛六世孫廣少孤貧安帝時舉孝廉為天下第一拜尚書郎累遷司徒定策功封侯復

拜太尉遷太傅廣練達事體明解朝章雖無蹇直之風屢有補缺之益故京師諺曰萬事不理

問伯始天下中庸有胡公在公台三十  
餘年歷事六帝禮任甚優卒謚文恭

胡騰

字子升，未陽人。少師事竇武，武死，騰獨殯殮，行喪，坐禁錮。初，桓帝巡狩南陽，以騰為護駕從事。

公卿貴戚車乘萬計，徵求費役不可勝極。騰上言：「天子無外乘，與所幸即為京師。」臣請以荊州刺史比司隸校尉，臣自同都從事，從之。自是肅然，莫敢妄有干請。騰以此顯名，黨錮解官。至尚書。

三國胡綜

固始人，字偉，則仕吳為郢長。後典軍國密事，蜀漢聞孫權踐祚，遣使申前好。綜為盟文，大義甚美。官至偏將軍，兼左執法，自權統事，諸文詰策命鄰國書符皆綜所造。子冲有文翰名，官至中

書令

胡奮

臨涇人，魏陰密侯遵之子。從司馬懿伐遼東，以功封夏陽子。累散騎常侍，奮晚節好學，居邊有

咸惠兄廣弟烈並知名廣子壹仕至涼州刺史烈為將與鍾會伐蜀會反諸將皆被閉烈子世

元時年十八與部

下士卒攻殺會

**胡勃**

豫章人仕吳為郡功曹嘉禾初太守黃翊為人

所誣勃懷斧詣闕乞代翊罪吳主嘉之後為廬

江太守吳亡入

**胡昭**

字孔明時百姓以馬超叛避兵入山者千餘家

饑乏漸相掠劫昭常避辭以解之是以寇難消

息眾咸

**胡質**

字文德壽春人性沉實內察仕魏為頓丘令平

反獄情累遷征東將軍假節青徐諸軍事防禦

有方海邊無事卒贈

陽陵亭侯謚曰貞



胡奕

字次孫東平將軍與兄質並以素行垂名質素貞粹可謂國之良臣時之彥士矣

晉胡威

字伯武質子父子俱以清慎聞威歷安豐太守後入朝武帝問曰卿孰與父清對曰臣不如也

臣父清惟恐人知臣清惟恐人不知是臣不及遠矣

胡藩

豫章南昌人參郗恢征虜軍事殷仲堪為荊州刺史藩說仲堪曰桓玄意趣不常非將來計仲

堪不悅及劉裕起兵召參軍事從征慕容超討盧循頻戰有功又從伐闕中統別軍至河東破

後魏河上兵以功封陽山縣男卒謚壯侯

南胡國珍

臨涇人魏靈太后之父少好學雅高清儉太和初襲父爵為武始侯孝明帝即位封安定

郡公進位中書監與侍中崔光俱授帝經侍直禁中又上表陳刑政之宜詔皆行之

胡明星

黔人梁天監中累官尚書祠部郎太常丞以耕籍奉引有禮容遷太常卿時宗廟以麴為

犧牲明星上疏切陳不允遂棄官歸

胡穎

吳興人偉姿容性寬厚從陳武帝征伐屢建功業武帝受禪累官吳興太守卒謚曰壯

胡諧之

豫章人南齊武帝時江州別駕歷遷左衛將軍加給事中諧之風采環潤兼以舊恩見遇

進都官尚書有識鑒每朝廷缺官密量用人皆如其言人服其明卒謚肅侯

胡僧祐

梁天門太守有善政嘗諫元帝忤旨下獄及侯景叛圍王僧辯於巴陵元帝乃引僧祐於

獄拜將軍令僧辯至赤沙亭會陸法和至乃與併軍大敗景將任約軍擒送江陵

胡山賓

字孝若七歲能言名理十三博通經傳梁武帝普通四年為散騎常侍東宮新置學士又

以山賓居之俄以  
本官兼國子祭酒

胡小彪

魏將與梁將樊大熾等交戰被擒欲降之彪曰我柵不守為賊所擒死則死耳乃以刀歐

攀言不得  
終遂害之

唐胡敬之

諧之五代孫幼聰敏高潔簡靜仕為侍御史彈劾不避豪貴後為琛州刺史卒於官高宗

下詔弔問賜  
絹帛歸葬之

胡曾

邵陽人高駢鎮四川置門下時雲南叛乘傳入川辭旨不遜使幕客各撰書答之曾辭云四方

之於中國猶衆星之拱北辰趨北海  
天地尚不能違況於人乎駢盛稱之

胡珣

字潤博舒州刺史歲大熟麥一莖數穗閭里歌頌之後卒韓愈作神道碑銘云坊舒之政于茲

有新蓋  
嘉之也

胡惠起

字警俗唐天后以蒲輪召之引見武成殿問仙事止陳道德帝王治化之原遣使送歸賜

書曰軒歷之廣成漢朝之河上日御先開望霓裳之漸遠天津後渡瞻鶴益以方遙稱洪崖先生

胡杲

會昌間胡吉劉鄭盧白張李及僧如滿合尚齒之會為香山九老杲詩云閒居同舍此三春大

抵愚年最出羣霜鬢不嫌五酒與白頭仍愛玉爐熏徘徊玩柳心猶健老大看花意却勤鑿落

酒斟拚酤酌香囊高桂  
任氣氤時為懷州司馬

宋  
胡楚賓

秋浦人屬文敏甚必酒中後下筆高宗命作文常以金銀杯斟酒飲之文成輒賜焉

胡林卿

華亭人淳熙中進士甲科與史彌遠同年史既柄國勢跋扈終身不登其門後卒有挽

詩云有名登相甲無跡到權門子居嘉定中進士學識該博有靜菴詩集

胡宿

字武平晉陵人累官尚書右丞謚文恭知湖州築石塘百里捍水旱大興學校學者盛於東南

自湖學始既去而思之名其堤曰胡公堤

胡宗炎

宿子字彥聖哲宗崩遣使來弔祭宗炎以鴻臚少卿迂境上使者不易服宗炎以禮折之

頃其聽命乃相見善為詩藻思清婉歐陽修稱其有鮑謝風致官至直龍圖閣

胡宗愈

字完夫宿之姪舉進士哲宗即位首進六事及君子無黨論官至吏部尚書卒謚修簡第

宗回用蔭登第官終樞密直學士胡氏自宿始大其後子孫至侍從者十數遂為晉陵名族

胡文修

字已懋宿從子崇寧進士直學士院兼侍講首論天下大勢及應詔對弭盜保民豐財裕

國強兵禦戎之要後陞翰林學士遷刑部尚書交修簡重寡言進止有度為大不事雕琢在詞

苑號為

稱職

胡仲

婺源人幼穎悟善屬文入太學與汪藻齊名登第試學官教授穎川崇寧中召為太學正累遷

國子司業後遷知無為軍有德政民繪其像于學宮從弟如愚從胡瑗授學不仕

胡唐老

宿之曾孫字俊明崇寧間進士初擢殿中侍御史後知鎮江府建康失守瀆卒戚方來犯

脅唐老部眾以犯臨安唐老怒

罵遂遇害詔贈徽猷閣直學士

胡世將

字承公唐老弟同登進士第為寶文閣直學士宣撫川陝時闕陝初復分軍移屯熙秦諸

道金人陷同州世將禦之金人不  
敢度隴後以資政殿學士致仕

胡珵

字德思晉陵人宣和中登第嘗從劉安世游學  
操行端方紹興初召試翰林兼史館校勘命珵

刪定舊史忤執  
政出知嚴州

胡鏜

字伯遠江陰人舉進士歷知寶慶府工部郎中  
平生所學以四書為本一室蕭然凝塵滿几處

之晏如也清苦  
廉介為時所重

胡應炎

字煥介晉陵人舉進士元兵次常州知府姚  
訐署為節度判官包圭亦晉陵人素有知謀

辟知武進縣事城陷應炎與圭率  
民兵巷戰衆潰俱被執不屈死之

胡瑗

字翼之海陵人仕為蘇湖二州教授立經義治  
事二齋倡明體適用之學出其門者皆循循雅

防後居太學四方歸之庠舍不能容自河汾以後能立師道成人者必以瑗為首稱焉

胡松年

海州懷仁人政和初上舍釋褐累遷中書舍人在朝每有所言皆切時政高宗時拜吏部

尚書後權  
叅知政事

胡舜陟

字汝明績溪人大觀中進士歷州縣官為監察御史建炎中以集英殿修撰知廬州時淮

西諸郡多盜惟廬晏然民為立生祠祀之後遷壽廬等州鎮撫使

胡斌

紹定間以殿前司將官戍邵武江盜大至斌奮身迎戰大呼曰我死救百姓盡矢竭卒遇害

其尸僵立數日始仆事聞贈武節大夫邑民即其戰所立廟祀之

胡方平

婺源人學精於易初饒州德興沈貴寶授易於董夢程夢程授朱文公之易於黃幹而方



平嘗從貴寶夢程學得文公源委之正嘗註易學啓蒙通釋

胡一桂

方平子幼穎悟好讀書受父易學景定中年十八領鄉薦試禮部不第退而講學遠近師

之號雙湖先生所著有周易本義附錄纂疏本義啓蒙翼傳朱子詩傳附錄纂疏十七史纂

胡旦

字周父渤海人少有俊才博學能文太宗時舉進士第一累官知海州後以祕書少監致仕居

襄州卒旦喜讀書既表明猶令人誦經史隱几聽之著漢春秋五代史略將帥要略演聖通論

唐二家傳  
三百餘卷

胡塤

字寅仲平江人嘗從戎有功補修職郎後佐蜀聲撼西鄙時帥頗有二意塤曉以明義帥憚不

敢發尋卒帥遂反故蜀人哭塤有詩曰公如在灋上謀必寢淮南

胡順之

原州臨涇人舉進士為青州從事高麗入貢中貴人使州官旅拜於郊順之獨不拜嘗再

上宰相書乞太后還政仁宗嘉其忠遷尚書屯田貲外郎

胡嘉言

壽昌人高宗朝為吏部侍郎與秦檜連姻嘗上書論和議乞斬檜以謝天下聞者莫不縮

頸其後家居開義學置贍士田

胡朝穎

淳安人歷官武昌令通判嘉興時鄭清之家奴暴橫執寘諸法移書謝云以天子之命官

撻宰相之奴僕罪當避位清之得書以聞帝喜曰得一佳士矣除守岳州

胡則

永康人端拱間擢第典七州更六路使者節所臨有績嘗奏免衢婺丁身錢民被其賜廟食至

今范仲淹銘其墓

胡稷言

字正思則之從子少受學於宋祁復受經於胡瑗以持奏補官歷山陰丞自以不能究其

所施遂乞致仕家居築園鑿池追陶靖節之風作五柳堂清心寡慾客至蕩然具一湯栢而已

胡嶧

字仲連稷言子安巢淳慈怙於榮利父子兄弟相為師友嶧與方惟深林慮為忘年交後以年

格建炎登極調迪功郎非其好也所居五柳園松窗蓬戶人目為隱君子步趨言動皆有尺度

胡巖起

永康人嘉定進士知閩縣卓行危論奇文瑰句士大夫皆自以為不可及其在江西幕平

贛州之難於指顧間全活數十萬人子居仁淳祐進士知台州文辭政事亦傑出

胡紘

慶元人幼穎悟好學讀書過目不忘累官吏部侍郎出為廣東經略使所至有能聲

胡沂

字周伯餘姚人父宗伋號醇儒沂穎異六歲誦五經皆畢紹興初進士陸沈州縣三十載孝宗

時為吏部侍郎進禮部尚

書兼領詹事卒謚獻肅

胡瑒

字叔章登進士第清約廉介歷三朝由六察

胡令儀

陳留人初知如皋縣有西門豹之風天聖間

否令儀熟知其便抗章請必成之

胡仲堯

奉新人累世聚居至百口構學舍聚書以延

主簿致仕

胡彥尤

善畫人物天神寒林水石窠木描法用大落

畫院

待詔

胡銓

字邦衡廬陵人舉進士任樞密院編修官上封事力排和議乞斬秦檜孫近王倫坐事謫居海外三十年後入為工部侍郎請祠以歸復召以經筵稱疾力辭因陳時病五事自號澹齋老人

卒諡忠簡

祠于學

胡夢昱

吉水人幼孤貧母教育之舉進士累官大理評事理宗即位求直言夢昱上封事言濟邸

冤抑為御史所劾削籍羈管

象州貶欽州卒諡剛簡

胡熒

婺源人紹定五年登第官至朝奉大夫平生樂善好義不事生產邑廟學灾竭力成建晦菴祠

割腴田三十畝以廩士子升亦登第為國史編

校官為丁大全所排謫南安十餘年後乃敘復

胡塾

字德林方雅好古端凝介特師事孫立節立節器之開義館于長春谷藏書萬卷延名士使族

子弟受學焉號環中居士大觀中舉八行政和八年登進士第歷鄧州教授改婺州寇至官吏遁去或說堃堃曰先世以勇顯我以八行舉可上負朝廷下辱先世哉城陷不降舉家被戮事聞官其二姪著有諸經講義

胡崇

夥人與兄嵩同登淳祐四年進士第初授句容簿制置使吳潛辟為閫幕委行經界法於溧陽不履畝而人無敢欺歷官太常寺丞兼高書右司郎官上疏言公田之非忤時相出知台州台為賈似道鄉郡據法以行一無所避似道憾之後以將作大匠召而宋事去矣

胡廷桂

婺源人咸淳四年登第授平原縣尉饒守唐震辟居蘇幕德祐初元兵臨城與震協課守

禦城陷震及廷桂俱死之

胡舜舉

紹興中知建昌軍政行俗變  
既代去民作遺愛亭以頌之

胡仲雲

高安人幼通經史百家入太學率諸生伏闕  
上書論京尹余晦不法寶祐初登進士第歷

官樞密院編修執法剛正出為浙東提刑所著  
有六經彙測周易見一四書管窺歷代遺論宋

朝政論總

百餘卷

胡頴

字叔獻湘潭人紹定間登進士第歷官知平江  
府後為廣東經略安撫使潮僧寺有大蛇能驚

動人頴徵僧舁蛇至今曰爾有神靈當三日見  
惟及期蠢然遂殺之平生正直剛果博學強記

吐辭成文臨政  
善斷不畏強禦

胡希是

仲雲仲子八歲悉通諸經為文有西漢風元  
革命家居著述為人方嚴有守一介不苟取

予所著有洪範考訂  
太學稽疑太極圖說

胡晉臣

江原人紹興末進士為侍御史林栗奏朱熹  
傲慢晉臣疏留熹而排栗光宗時拜叅知政

事兼同知樞密院事與留  
正同心輔政卒謚文靖

胡晏

衛陽人資性孝友鄉里慕之有爭訟不到公庭  
多往質焉大開館舍延禮四方賢士以廸諸子

及卒孔武仲表之  
曰處士胡君之墓

胡份

字子文縉雲人元豐八年進士歷官  
國子司業文章節氣為學者宗之

胡向

清江人皇祐間舉進士累官倅越州奉課為天  
下第一後擢大理卿決獄仁恕雪冤免死者甚  
多



胡幼黃

字成玉元龜四世孫四舉俱魁甲戌登第時已延會師南代德祐嗣位冲幼宋之取士止

於是科矣狀元王龍澤榜眼路萬里探花幼黃也時有三不得之說謂龍在澤飛不得路萬里行不得幼而黃醫不得幼黃授節度推官宋亡退居于家創讀書樓日諷吟其上元搜求宋之遺士用之幼黃避隱不出

胡壽昌

延平知府修飭學校躬勵士子建祠祀之民皆敬信稱曰胡延平而不名

胡淵

字澤之少聰敏能文長益務強識父罕負節氣重然諾鄉鄰有聞者不決於有司而聽公之一

言資產本饒以親族羣從數稱貸無所償遂致空匱淵以親老家貧授學江浙歲終度父母所須力能致者盡市歸以獻退無私焉以母有疾遂不復遠遊即里閭教生徒晨夕歸省每諸

生饋食有肥甘悉持歸以奉母膳母憐其誠為之強進食蔬飲水躬自安之初同里有吳美門者以六經教授罕遺淵往從之公閱淵所寫論語尚書終帙一無差舛遂以女妻之是生文定

胡安國

字康侯崇安人紹聖中進士擢太學博士靖康初除太常少卿起居舍人皆辭高宗時以

張浚薦除中書舍人兼侍講先獻時政論二十一篇尋以疾求去留兼侍讀專講春秋累官至給事中謝良佐嘗稱其如大冬嚴雪百草萎死松柏獨秀所著有春秋傳卒謚文定從祀孔子廟庭

胡憲

字原仲安國從子紹興中以鄉貢入太學與劉勉之陰誦習伊洛之說自是一意下學歸故山力

田奉親從游者日衆晚年召為秘書正字抗疏言金人勢必敗盟疏入即詔改秩與祠歸朱熹

師事最久世  
號藉溪先生

胡寅

字明仲安國第之子少桀黠難制安國閉之空  
閤其上有祿木寅盡刻為人形安國乃置書數  
千卷於上年餘寅悉成誦遂登進士靖康初召  
為校書郎人從楊時學累遷起居郎後為秦檜  
所惡謫新州著論語詳說及讀史  
管見數十萬言世稱致堂先生

胡寧

字和仲安國子秦檜當國召試館職及兄寅與  
檜忤乃出為夔路安撫司叅議官知澧州不赴  
卒安國傳春秋修纂檢討盡出寧子又著春  
秋通旨以別翼其書學者稱為茆堂先生

胡宏

字仁仲安國季子幼事楊時侯仲良而卒傳其  
父之學優游衡山下餘二十年玩心神明不舍  
晝夜紹興中上書數千言初以蔭補承務郎不  
調秦檜死宏被召以疾辭所著有知言并皇王

大紀八十卷學者  
稱為五峰先生

胡大正

字伯誠崇安人以季父胡寅補官興化尉再調南康法曹史浩劉珙薦其賢明清介改秩

僉判泉州會劇賊號過海龍者逼臨漳甚急泉與為隣城門晝閉忽近郊有荷斧四五十人兵捕以聞同幕請肆諸城下大正不肯書牘曰賊欲破城乃無戎服攻具長兵耶訊之果採樵者皆釋之

胡崇

字宗叟歙人幼孤事母至孝初授句容簿制置使歷官太常寺丞兼尚書右司郎官上疏忤時

相出知台州台為賈似道鄉郡一切以公正行之豪右莫敢干政適秋雨天台仙居二水暴漲入城奏乞捐米十萬以濟饑民似道謂水乃台州常事何至張皇累奏不報未幾差知撫州似

道嶠江西安撫曾淵子俟崇至陰園中傷崇見  
幾勇退寓居吳興龜溪之上至元二十年終于

家年八十官  
至中奉大夫

胡搏

字元舉婺源人明經九世孫少孤兄弟三人伯  
兄捐主家事搏與弟持刻勵于學自為師友搏

登紹興辛未進士第教授杭州改秩宰弋陽再  
調吉之永豐為人慷慨重義方貧賤時與持館  
鄉校得禮幣悉歸于伯氏以給伏臘及仕俸入  
亦如之死之日室無私儲惟古書及平生所為  
文而已持字元充一字公操登隆興元年進士  
初仕鄱陽簿陞上元丞改秩宰閩乃求僉判南  
康而歸二考乞以自逸家藏書  
皆手所編及自校有詩若干卷

胡鼎金

字貴剛究心易學嘗作三陳九  
卦說語見新安朱升周易旁註

胡次燦

字濟鼎婺源人少孤貧母氏策勵以學登咸淳四年第授湖口主簿改授池州貴池尉既

任僉憲郡幕錄五縣囚人稱平允德祐乙亥時宋運已去池郡荷戈不滿十人兵未及境都統制張林已納款與異意者輒收殺之時次燦為附城縣尉勢不得獨嬰城脫身歸家以易教授鄉里或以官進招之作樵牧問答詩以見志所著有文公感興詩行於世

胡鎮孫

字安國祁門人咸淳元年進士授黃州戶曹入沿江制幕以才幹進秩南康星子縣令秩

滿家居值宋李鄉井寇攘郡委極治祁門縣事西南五里強徒乘時窺邑城鎮孫率城之勇義者并力捕之擒其首而繩以法餘黨盡散民賴以安

胡槩

字仲方為江西憲寧宗朝以工部尚書鎮三山作百花莊

胡直孺

字少汲能詩與劉邦直詩云我無健筆翻三峽君有長才肅五兵同是行人更分手不堪

風樹作離聲建炎中拜刑部尚書

胡逸

號致虛庵山谷題之云山隨宴坐畫圖出水作夜牕風雨來

胡夢旦

字李昭寧宗朝試刑法科楊東山賀云得雋兩科持平三尺理宗即位上書言濟邸事羈

管象州東山詩送之云便是吾鄉小澹翁端平更化詔云爾風裁峭潔志槩激壯方嘉賈日之忠已墮偃月之計

胡謙

字牧之奉化人與弟誼師事袁燮傳陸象山學著易說易林若干卷誼字正之嘗內交蒙齋號

觀省佚翁著尚書釋疑十卷觀省稊著三十卷兄弟文學為鄉表儀

胡璞

綢浦人工於詩嘗經采石渡題詩平李白云抗

議金鑒反見譬一杯蟬蛻此江頭當時醉弄波

間月今作寒光萬里流蘇軾

見之疑唐人所作嘆賞不置

胡閔休

字士敬開封人初入太學著兵書二卷靖康

初應知兵科中優等補承信郎二帝詣金營

閔休欲結士劫之為何梟所止後南渡從岳飛

討賊湖湘以誅鍾子儀功進成忠郎飛被誣死

閔休發憤杜門佯疾十年

卒有勤王忠義集藏于家

胡元質

字長文長洲人幼穎悟尚行義中進士初寓

臨安聞鄰有貧士夜哭乃為人責償鬻其女

與別元質慨然棄索與之光宗時歷秘書省正

字嘗言人主言動不可不謹帝書之座右終數

文閣

學士



胡舜元

銅陵人王安石讀書大明寺常同硯席後知鄭縣遇行新法以書詆安石言其懷利事君

貪利害民  
竟乞致仕

胡仔

字元任號荅溪漁隱以釣自適有詩話行于世宣和間仕建安主簿

胡致隆

號蕭灘居士賦竊云平生冰雪姿胡為乎泥中其子亦可憐風度如乃翁

胡楚材

字公喬壽昌人明敏好學登科於慶厯間歷授廣德儀真判官調嘉興幕以剛直忤權貴

官止校書郎遂退居  
不仕以琴書自適

元

胡光遠

太平路人事母至孝母卒哀思不徹一夕夢母欲食魚晨起號天將求魚以祭見生魚五

尾列墓前俱有噬痕鄰里驚異方共聚觀有獺出草中浮水去眾知是獺所獻以狀聞表其間

胡長孺

嚴起孫為人光明宏偉博學多文海內購其辭章者如獲拱壁非其人雖一金易一字殺

然不與仕至兩浙鹽運使所著有瓦缶編顏樂齋藁等書從兄之綱之純皆以經術文學名人

稱為三

胡云

胡景清

龍溪人元兵下潭南景清時五歲避難倉卒失母長知學每念母涕淚潛然下辭父尋焉

忽於燕市知母處踰年始得之蓋母子不相見者四十餘年矣事聞詔旌表之仍給驛以歸

胡炳文

婺源人篤志于學上邇伊洛以接洙泗凡諸子百氏之書無不推究嘗為信州道院山長

調蘭溪州學正不赴所著有四書通易本義通釋春秋集解禮書纂述四書辨疑五經會義等

書世稱雲

峰先生

胡閏祖

至元初慶元路推官初積囚滿獄淹至十年閏祖至則朝夕審錄不憚寒暑洗冤澤物甚

於饑渴自是訟無滯者郡人為立去思碑

胡斗元

婺源人受易學於朱子從孫洪範嘗謂乾專言善性也坤兼言善不善情也乾之善世吾

無及已坤之積善吾庶幾勉之

胡祇適

字紹開武安人中統初累官應奉翰林文字調右司員外郎阿哈穆特當國進用羣小官

冗事繁祇適建言省官莫如省吏省吏莫如省事以是忤權奸出為太原路治中後改浙西道提刑按察使尋以疾歸以耆德第一人徵不就卒諡文靜

胡善

至正間為松江府學訓導時苗賊陷松江欲燬孔子廟善罵賊遂被害初善聞賊至即以死節

自誓題詩于壁曰領檄來司教臨危  
要致身果踐所言楊維禎為傳其事

明  
胡大海

字通甫虹縣人長身鐵面智力過人國初仗  
策來歸遂居前鋒攻拔諸州屢建奇功累陞

僉樞密院事行軍不安殺人不虜婦女不燬廬  
舍故所至悅附以江南分省叅知政事守婺州  
值苗軍謀亂被害追封越國公謚武順

胡海

字海洋定遠人慷慨有大志國初從征每戰以  
身先士卒敗元將賈魯授萬戶繼以克捷諸州

擒元帥唐隆等陞指揮使留鎮益陽又以征湖  
廣廣西平雲南功封東川侯充征南將軍平九

溪諸蠻寇歸老于家子斌龍虎衛指揮使征  
雲南中流天卒贈都督同知觀尚南康公王

胡翰

字仲深金華人自少穎異既長務師古人洪武  
初起為衢州府教授會修元史薦入史館賜金

帛遣歸有文

集行于世

胡深

字仲源龍泉人元末統鄉兵保障處州本朝師趨處州即日迎見累擢浙東行省左右司郎中總制處州軍民事深興利除害惠愛甚多後以征福建陳有定遇害追封縉雲伯鄉人立祠祀之

胡純

平陽府人元翰林應奉本朝初以耆儒碩學徵至京授以官不就謫居桂林閉戶却掃潛心性理之學都督韓觀嘗造其宅終不報謝再至謂曰先生於觀似無情者純曰將軍知我我固如此所謂士伸於知已者觀嘆息而去

胡璉

高安人直諫忠信議論英偉博學尤邃于易洪武初累官句容教諭尋以疾歸乃杜門不出觴

詠自樂鄉人咸敬之所著有易學  
會通及諸史百子手筆百餘卷

**胡粹中**

山陰人博通經史尤長春秋洪武中聘  
為儒學訓導所著有元史舉要行于世

**胡禎**

錢唐人洪武中仕至刑部  
尚書蒞政嚴明獄無留滯

**胡閏**

字松友鄱陽人博學修行洪武中官都督府經  
歷建文中進大理少卿靖難兵起數與齊黃議

軍國事壬午七月不屈死  
之籍其家子傳道論死

**胡美**

漢沔人初名廷瑞至正間仕陳友諒為江西行  
省丞相守南昌高皇帝率師征友諒胡美遣使

納款上至南昌美迎謁上撫勞之仍故官從平  
武昌克海安克高郵下淮泗壽進圍蘇州執張  
士誠為征南將軍由江西取福建降其首將進  
中書平章事兼同知詹事院事尋以督兵克建

寧興化建陽福州延平執元將陳子琦福建悉  
平統兵守禦上幸汴台還扈從封豫章侯改封

臨川侯

胡濙

字源潔武進人洪武進士歷官禮部尚書性端  
重有識量上方倚注言無不聽於時事裨益為

多卒年八十  
九謚忠安

胡子昭

字仲常大足人富經術性方介以明經儒士  
薦為榮縣訓導建文初進刑部侍郎建文四

年九月死之臨刑詩曰西間正氣歸  
黃壤一點丹心在帝鄉年四十一

胡子義

子昭弟薦辟為威遠訓導歷山東按察僉事  
聞兄死辟世丹稜蜀獻王聞而憐之令削髮

為僧子義以親遺體辭有子二人生數歲子義  
曰吾兄無後天不絕吾姓二子當免於難竟棄

去莫知

所終

胡壽安

縣人永樂間初授信陽知縣清慎自持以憂去詩遺城隍云神若有靈應識我去時還似

到時貧及知新繁縣嘗自種蔬一圃以供日用人呼為菜知縣及滿秩去囊篋罄然惟書籍布衣而已

胡永興

祁門人永樂進士授三河知縣以廉能老成擢趙府左長史既至趙適漢王謀不軌遣使

來通永興力諫不從使人邀諸途焚書斬使以滅其迹後漢得罪而趙得無恙歷任四十餘年

卒于

官

胡廣

字光大吉水人舉進士第一永樂中累官至文淵閣大學士兼左春坊大學士醇厚慎操履論



事持大體一時制冊多出其手寵日盛而自處  
泊然公退杜門讀書賦詩未嘗干人以私卒贈

禮部尚書

諡文穆

胡居仁

字叔心江西餘干人學以求放心為主主敬  
為要端莊凝重履繩蹈矩人稱為敬齋先生

胡軫

字敬同豐城人永樂進士歷四川夔州知府累  
誤被逮夔人數百赴京奏保左遷浙江鹽運同

知持身廉儉風裁凜然正統初  
陞浙江提學副使士人宗之

胡儼

字若思南昌人未冠知名由教官薦入翰林歷  
官國子祭酒與典機務受知永樂洪熙間眷待

優厚宣德初以老疾進太子賓客兼祭酒致仕  
歸閒二十餘年詩文豐裕為時所重有頤菴集

數十卷

胡敏

宣德初知鄞縣操已端方臨事剛果盡革宿弊民無科擾尤以興學為念邑人慕之

胡槩

字元節吉水人宣德進士仕廣東按察使明斷剛決獄無冤滯在任未久風紀振揚拜大理卿

陞右都御史以清直見稱於時

胡謐

會稽人天順間知江寧縣廉明有威斷事至剖決如流以經術自任政事之暇諸生執經問業

者日數十人歷提學副使

胡富

字永年績溪人成化進士歷官南京戶部尚書謐康惠

胡拱辰

淳安人成化進士著政蹟晚益清謹弘治間御史上其貧薄特給與廩正德初遣行人存

問年九十二歷工部尚書贈太子少傅謚莊懿

胡璣

永年人貌偉有奇氣幼登弘治癸丑進士授行人几三奉冊封皆却藩王之餽為御史有聲累

陞大同巡撫陳邊防六事上嘉納之轉侍郎大同五堡軍叛璣討平定遷工部尚書

胡世寧

字永清仁和人弘治進士江西按察時上疏論宸濠反狀繫錦衣獄減死戍遼東淩伏誅

起陞僉都御史歷兵部尚書贈少保諡端敏

胡燿

字仲元蕪湖人弘治癸丑進士改庶吉士授戶部主事災變求言抗疏論戚畹閹官方士等事

名動縉紳養病卒于家燿沉靜寡欲孝友出於天性一時稱為名臣

胡瓊

字國華延平人由進士為慈谿令廉隅自持棘不阿而立心公恕斷獄明審尤振作學校品

題士子優劣不與律佐貳制羣小不得干紀弋貨閭落晏然不見勾捕之擾在邑三年盜賊遠

屏民皆安堵名為監  
察御史以言事杖死

胡纘宗

字世甫陝西奉安人正德進士授翰林檢討歷官都御史仁達明斷瞻文學有才名

胡汝礪

字良弼咸寧人成化丁未進士歷刑部尚書

胡侍

字永之汝礪子正德丁丑進士歷官鴻臚寺少卿有文名

胡松

字汝茂滁州人嘉靖己丑進士博學多文才思敏捷尤長於經濟督山西學校兼兵備叅政文

事武畧一時著稱家居二十年復起任浙江布政轉江西巡撫擒巨寇功最大歷吏部尚書卒

于官贈太  
子少保

胡經

字用甫廬陵人  
嘉靖己丑進士

胡宗憲

字汝欽績溪人嘉靖戊戌進士初任餘姚令有政績拜監察御史巡按浙中上擒倭方略

繼巡撫浙江屢有戰捷總督浙直軍務計擒王直徐海有大功于浙獨才闊略好侈費被論兩

逮詔獄世廟恤其功釋之竟卒于獄

胡松

績溪人嘉靖乙未進士歷工部尚書

胡堯臣

字伯純安居人嘉靖乙未進士歷刑部右侍郎

胡安

字仁夫餘姚人嘉靖甲辰進士歷官衡州知府陝西苑馬寺卿養高林石寄情詩酒不與外事

子維新已未進士任御史

盧

范陽商音齊太公之後至文公子高之孫僕食采於盧因氏

周盧敖

秦博士

秦盧生

秦始皇遣盧生入海求神仙藥不獲盧與侯生謀隱入邵陵雲山今山有盧仙影

漢盧綰

豐人與高祖同里同日生里中交以羊酒賀及壯學書又相愛高祖起沛綰以客從入漢為將

軍擊破滅荼

乃立為燕王

盧植

字子幹涿郡人剛毅有大節師馬融通古今官至尚書時董卓凌虐朝廷議欲廢立植獨抗論不同卓將誅之議郎彭伯曰盧尚書海內大儒人之望也今先害之天下震怖卓乃止免植官

遂隱於上谷

三國盧毓

字子家植子少以學行見稱仕魏以黃門侍郎左遷典農校尉躬為民擇居美田百姓賴之遷

安平廣平太守所在有惠化入為侍中擢吏部尚書選舉務先德行而後才藝後封容城侯卒

謚成

晉盧欽

毓子篤志經史仕為吏部尚書封大梁侯鎮汴北寬猛得中人為僕射加侍中清貧高潔卒贈

開府謚曰元所著詩賦論難數十篇

盧志

鄴縣令成都王頔鎮鄴愛其才量委以心膂後為魏郡太守

北南盧玄

涿人魏太武辟召天下儒雋以玄為首授中書博士卒謚曰宣孫昶景明初以黃門侍郎出為

徐州刺史善於撫綏人庶稱之五世孫潛事北齊為揚州刺史大樹風績陳主戒其邊將曰盧

潛猶在卿宜深脩之

盧韓

涿人博通經籍後周舉秀才為太學博士注大戴禮其兄景裕為當時碩儒謂韓曰昔侍中注

小戴今汝注大戴庶纂前修矣累遷太子少保几朝廷憲章乘輿與法服金石律呂晷刻渾儀韓

皆創制之  
悉合軌度

盧醜

昌黎人魏太武監國醜以博學入侍經帷後以師傅舊恩賜爵濟陰公位尚書加散騎常侍

盧思道

涿人仕北齊官至武陽太守操行文學為時所重文宣帝崩朝士皆作輓歌擇其善者用

之時魏文祖孝徵輩止得一二首  
惟思道獨八首時稱為八采盧郎

盧魯元

昌黎人父副鳩仕魏為中書令魯元寬和雅度工書有文采累官至襄城公卒謚曰孝

盧勇

字季禮神武時屬山西儉運山東租輸令勇典其事鄉郡公主盧儼千餘車勇劾之公主訴於



神武而勇守法不虧神武謂郭秀曰盧勇慄慄有不可犯色真公直人也方當委之大事豈止

納租而已

盧謏

字伯源父志法鍾繇書子孫傳業累世有能文名至邈以上兼草跡伯源者邈之孫也謏之玄

孫習家法代京官殿多其所題白馬公崔宏亦善書世傳衛雅本魏初工書者崔盧二門

盧柔

字子剛涿人性聰敏好學王或見而器之賀拔勝出牧荊州柔為掌書記軍之機務柔多與焉

後果遷中書侍郎兼著作撰起居注

盧元明

字幼章風采閒潤進退可觀善自標置不安交游中山王熙嘆曰盧郎有如此風神唯預

誦離騷飲美酒自為佳器

盧誕

博學有辭采起家侍御史周文帝以其儒宗學府為當世所推拜國子祭酒

盧詢祖

范陽人文辭華美為後生之俊舉秀才作破蠅蠅賀表俄頃便成其辭云昔十萬橫行樊

將軍誦而受屈五千深入李都尉降而不歸時重其工又作築長城賦其略曰板則紫柏杵則木瓜何斯才而斯用也草則離離靡靡綠岡而植但使十步而有一芳余亦何辭間於荊棘邪邵嘗謂曰卿小年才學富盛戴角者無上齒恐卿不壽對曰詢祖初聞此言實懷惕懼見大人蒼蒼在鬢差以自安邵重其敏瞻歷太子舍人

盧潛

范陽人容貌環偉善言談少有成入志初為岳行臺郎歷魏尹丞司州別駕江州刺史所在有善政先是梁將王琳擁其主蕭莊歸壽陽朝廷以琳為揚州刺史敕潛與琳為南討經略後除

行臺尚書王琳銳意圖南潛以為時事未可由  
是與琳有隙更相表列武成追琳入鄴除潛揚  
州刺史潛在淮南十三年大樹風績為陳人所  
憚陳主與其邊將書云盧潛猶在卿宜深備之  
卒贈開府儀同三司尚書左僕射

盧度世

字子遷玄子幼而聰達為中書學生應選東  
宮弱冠時學行為流輩所重後以崔浩事棄

官逃于高陽鄭羅家至赦乃出赴京拜  
中書侍郎後坐事免尋除青州刺史

盧淵

字伯源度世之子性溫雅敦尚學業閨門和睦  
繫爵累加秘書監本州大中正時孝文議伐齊

淵表以為萬乘親戎轉運難繼詔雖不從而優  
答之尋以舉武帝殂停師時涇州羌叛殘破城  
邑淵以步騎六十徐行而進未經三旬賊眾逃  
散降者數萬口詔兼侍中景明初卒上秘書年

四十八贈幽州刺史復  
本爵固安伯謚曰懿

盧道將

字祖業朔之子應襲父爵而謙第八弟道舒平生涉獵經史風氣審諤頗有文才為一家

之冠彭城王勰任城王澄皆虛襟相待  
為中軍大將軍辟行參軍累遷燕郡太守

隋

盧昌衡

字子均沉靜有才識博涉經史開皇初仕尚書祠部侍郎出為徐州總管長史甚有能名

吏部尚書蘇威稽其績曰德為世  
表行為士則後累遷至儀同三司

盧資

字子微涉獵書記隋文即位拜散騎常侍歷鄆  
號懷三州刺史在懷州決沁水東注名曰利人

渠又派入溫縣名曰溫潤  
渠以溉瀉鹽人賴其利

盧太翼

河間人本姓章仇氏七歲日誦數千言州里  
號曰神童及長博綜羣書尤善占候文帝將

避暑仁壽宮太翼因諫帝怒將斬之及疾將崩命太子擇之煬帝即位賜姓盧氏其所言天大事應驗者不可勝數

盧愷

范陽人父柔魏中書監愷性孝友能屬文仕至吏部侍郎攝尚書左丞每有敷奏侃然正色雖

逢喜怒不改其常

盧楚

范陽人祖景祚魏司空丞楚性鯁直有才略仕至尚書左丞時與元大都同輔政及王世充

為亂或呼楚同去楚曰僕與王公有約社稷有難誓以俱死今捨去不義後被害

盧翼

字協昭河間人間居味道不求榮利博綜羣書尤善占候歷算之術徙居林慮山萊莢澗請紫

者自遠而至

唐盧承慶

思道孫范陽郡公赤松之子學博才辯累官至戶部侍郎太宗問歷代戶版承慶引據以

對後為兵部尚書謚曰定弟承業為尚書左丞承泰為太子詹事

盧照隣

字昇之幽州人高宗時與王勃楊炯駱賓王四人以文章齊名天下號為四傑

盧景亮

字長晦范陽人博學善屬文其文多根於忠仁有經國志舉進士官至右補闕以直諫名

後遷中書舍人贈禮部侍郎

盧藏用

字子潛范陽人善屬文舉進士不利隱終南山長安中召授左拾遺武后作興泰宮上疏

切諫歷官黃門侍郎尚書右丞左遷黔州長史藏用精著龜工草隸琴奕士貴其多能云

盧商

字為臣范陽人以大理卿為蘇州刺史吏以鹽法求贏貸民愈困商令計口受鹽無常額人便

之宰相上其勞  
進浙西觀察使

盧鴻

幽州人博學善書與其弟隱嵩山玄宗強之授  
諫議大夫不就李白詩二盧徵不起萬乘高其  
風

盧粲

幽州人仕為給事中武崇訓死詔墓視陵制粲  
固執以為不可遂出為陳州刺史粲曰苟所論

得行雖  
速何憚

盧羣

字載初范陽人仕為御史郭子儀公被誣德宗  
促按之羣奏子儀有大功請赦勿問人謂其識

大體卒贈

工部尚書

盧獻

武后時歷闕  
為西鄉令闕

左丞為來俊臣所陷出  
邑事不以左遷介意

盧耽

關

中擢西川節度使時

關

力守禦募驍勇厚給糧餉

關

寇耽與瀘

關

史楊

關

突將

以梯衝

四攻成都

關

突

將

以關

之

蠻

突

突

兵三關

將以

關

環挽

之不得

近遂

投火

沃油

以關

之

蠻

突

突

突

突

突

突

關夜

遜

盧祥

會昌中為唐州刺史興復

水堰甚有勞績益大其利

在童州時已不凡

凡歷官清慎所居環

堵蕭然開元中拜相

玄宗宗諭之曰朕以卿坐

在童州時已不凡

凡歷官清慎所居環

堵蕭然開元中拜相

玄宗宗諭之曰朕以卿坐

在童州時已不凡

凡歷官清慎所居環

堵蕭然開元中拜相

玄宗宗諭之曰朕以卿坐

在童州時已不凡

凡歷官清慎所居環

堵蕭然開元中拜相

玄宗宗諭之曰朕以卿坐

在童州時已不凡

盧懷慎

滑州人在童州時已不凡

凡歷官清慎所居環

堵蕭然開元中拜相

玄宗宗諭之曰朕以卿坐

在童州時已不凡

凡歷官清慎所居環

堵蕭然開元中拜相

玄宗宗諭之曰朕以卿坐

在童州時已不凡

凡歷官清慎所居環

堵蕭然開元中拜相

玄宗宗諭之曰朕以卿坐

在童州時已不凡

凡歷官清慎所居環

堵蕭然開元中拜相

玄宗宗諭之曰朕以卿坐

在童州時已不凡

凡歷官清慎所居環

鎮雅俗耳

盧從愿

字子冀開元中為豫州刺史奏課為天下第一

賜絹百疋遷尚書左丞殖田數百頃帝目

為多田翁

由是薄之

由是薄之

由是薄之

由是薄之

由是薄之

由是薄之

由是薄之

由是薄之

由是薄之

由是薄之

由是薄之

由是薄之

由是薄之

由是薄之

由是薄之

由是薄之



盧暉

開元末魏州刺史徙永濟渠自石灰窠引流至良鄉西注魏渠以通江淮之貨

盧處

復州刺史孟郊詩知音不韻俗獨立占古風忽挂觸邪冠遠逐南飛鴻肅肅太守章明明華轂

躬高原無平路  
楚水有驚濤

盧嗣立

狄浦人登第後吏部侍郎高元裕以詩與知舉陳商有中丞為國拔賢才寒畯欣逢藻鑑

開之句

盧奐

范陽人早修整為吏有清白稱為陝州刺史帝次陝嘉其政題贊於廳事曰專城之重分陝之

雄亦既利物內存匪躬  
斯為國寶不墜家風

盧陵

龍門人舉進士官至工部尚書讀書龍門山註春秋孝經每以經義決時議

盧綸

字允言河中人德宗時韋渠牟表其才召見帝有所作輒使賡和綸與吉中孚韓翃錢起司空

曙苗發崔峒耿湋夏侯審李端皆能詩齊名號大厯十才子生四子簡能簡辭弘正簡求皆有

大第

進士

盧簡求

字子臧綸子歷蘇壽二州刺史為政長權變多惠澤以太子少師致仕

盧奕

疏眉目謹重寡欲斤斤自修與兄奭名相上下而剛毅過之拜御史中丞自懷慎與及奕三世

居官清節似之奕子杞面色

如藍險刻賊忌德宗時拜相

盧仝

濟源人號玉川子好學博覽工詩嘗為月蝕詩譏元和逆黨韓愈稱其工為茶歌句多奇警邑

有盧仝

煮茶泉

盧垣

為太常博士會鄭滑節度使李復表請為判官  
權監察御史薛盈珍為監軍使數侵軍政垣據

理以拒之有善吹笛者大將十餘人同啓復請  
以為重職垣在復所復問曰衆所請可許否垣  
笑曰大將等皆久在軍積勞亟遷以為右職奈  
何自薄欲與吹笛少年為列耶復曰盧侍御言  
是也大將  
慙還走

盧齊賢

少時孫思邈嘗曰後五十年位方伯吾孫為  
屬吏願自愛時思邈之孫溥尚未生及溥為

蕭丞而齊賢  
為徐州刺史

盧元輔

字子望少以清行聞於時進士擢第授崇文  
館校書郎德宗思杞不已乃求其後特恩拜

左拾遺再遷左司員外郎歷抗常絳三州刺史  
以課最徵為吏部郎中遷給事中改刑部侍

郎自兵部侍郎出為華州刺史潼關防禦鎮國  
軍等使復為兵部侍郎元輔自祖至曾以名節  
著于史冊元輔簡靜貞方綽繼門風歷踐清貴  
人亦不以父之醜行為累人士歸美卒年五十

六

盧鴻一

字浩然范陽人徙家洛陽少有學業頗善摛  
篆楷隸隱于嵩山開元初行幣禮再徵不至

五年再下詔六年至東都謁見不拜宰相遣通  
事舍人問其故奏曰臣聞老君言禮者忠信之  
所薄不足可依山臣鴻一敢以忠信奉見上別  
台昇內殿賜之酒食詔曰盧鴻一應辟而至訪  
之至道有會淳風爰來逸人用勸天下持宣授  
諫議大夫鴻一固辭以諫議大夫放還山又賜  
隱居之服并其草  
堂一所恩禮甚厚

盧士玫

山東右族以文儒進性端厚與物雅有聲聞始為吏部員外郎稱職轉郎中還京兆尹奉

憲宗園寢刑簡事集時論推其有才方知京兆尹事會幽州劉總願釋兵柄入朝薦用張弘靖

代已復請析瀛鄭兩州用士玫為帥朝廷一皆從之士玫遂授檢校右常兼為瀛鄭兩州都防

禦使

盧簡辭

字子策范陽人綸子元和六年登第三歷左帥府長慶末入朝為監察御史文雅之餘尤

精法律歷朝簿籍罔不經懷出為衢州刺史會昌中入為刑部侍郎轉本部尚書

盧弘正

字子強綸子元和末登進士第累辟使府掌書記入朝為侍御史華州刺史宇文鼎坐賊

弘正按之文宗怒將殺鼎弘正奏曰鼎為近輔刺史以賊污聞死固常典但取受之首罪不在

鼎只當連坐遂得釋減等會昌末河北之帥缺人李德裕薦弘正即命為邢洺磁觀察留後仍宣諭河北三鎮還拜工部侍郎出為徐州刺史武寧節度使弘正在鎮期年諭以忠義勞來撫恤訖于受代

軍旅無譁

盧簡能

字子拙登第後再辭藩府入為監察御史大和九年由駕部員外檢校司封郎中充鳳翔

節度判官時鄭注得幸李訓與之謀誅宦官俾注鎮鳳翔仍妙選當時才俊以為賓佐簡能與蕭俛弟傑錢起子可復皆為訓所選從注及訓敗注誅簡能蕭傑等四人皆為監軍使所害

盧知猷

簡能之子登進士第釋褐祕書省正字尋拜左拾遺改右補闕賜緋魚改吏部郎中出為

商州刺史歷工部尚書加檢校右僕射知猷器量長厚文辭美麗尤工書落簡措翰人爭模倣

子文度位  
亦至丞

盧嗣業

簡求之子進士登第累辟使府廣明初以長安尉直昭文館左拾遺右補闕王鐸徵兵收

兩京辟為都統判官  
檢校禮部郎中卒

盧邁

字子玄河南縣人性孝友舉明經補太子正字累遷吏部員外郎出為滁州刺史召還遷諫議

大夫條當世利病後  
拜相罷為太子賓客

盧坦

字保衡洛陽人仕為河南尉杜黃裳為尹過之甚厚累遷刑部郎中御史中丞再遷戶部侍郎

與宰相李吉甫不合  
出為東川節度使

盧肇

宜春人自幼穎拔不羣會昌中進士第一累官集賢學士歷歙池吉四州刺史所至有治聲

有大標集三卷子大秀咸通  
間登進士官至弘文館學士

盧東美

范陽人大歷中為吳令歷太常博士考功員外郎咸舉其職與韓會張正則崔造為友好

談經濟之畧嘗以王佐自許天下  
士大夫謂之四憂亦期以相器云

盧祖尚

字季良光州人貞觀二年交州刺史以賄敗  
太宗方擇人而任之咸以祖尚才脩文武可

用也召  
見內殿

盧懷謹

滑州人在童州已不凡韓思彥嘆曰此兒器  
不可量及長第進士神龍中遷侍御史上疏

陳時  
政

盧鈞

字子和舉進士擢嶺南節度使海道商船始至  
異時帥府爭先售其珍鈞不取時稱廉潔以清



靜治下令番華不得通婚  
南方服其德不徵而化

盧宗回

字望淵南海人少時讀書忘寢食同舍郎嫉之  
殿宗回宗回遜謝不校舉元和進士累官

集賢  
校理

盧延遜

唐人及第賜宴曲江終老詩云莫  
欺老決殘牙齒曾喫紅綾餅餚來

盧儲

舉進士投卷謁尚書李翱翱置文卷几案間長  
女及笄謂小青衣曰此人必為狀元翱乃招為

壻來年果狀元成婚之夕儲作詩曰昔年曾向  
玉京遊第一仙人許狀頭今日已成秦晉約早

教鸞鳳

下粧樓

五代  
盧文紀

後唐廢帝擇相必書德望名內琉璃瓦中祝  
天以筋英之首得盧文紀次姚穎帝素奇其

行同升  
相位

盧光稠

上猶人唐末羣盜蜂起光稠為虔州防禦使狀貌魁特起義兵衆推為帥請命于梁拜鎮

南軍節度使進開國侯卒子延昌復帥度父子相繼扞禦郡人德之立廟奉祀

盧億

字子元河內人少篤學以孝弟聞歷晉漢周累官弘大館直學士宋初遷河內少尹以清介自

持億性恬退聞其子多遜知制誥即上章求解遂以少府監致仕

盧柔

洛人後周中書監太祖引為行臺郎對掌機密時汝潁之間多舉義來附書翰往返日餘百牒

柔隨機報答  
皆合事宜

盧導

范陽人後唐諫議大夫潞王叛以兵犯京師宰相馮道請導草牋勸進導固拒之

宋

盧之翰

祁州人少爲學家貧太宗朝登第歷遷殿中丞通判洺州會契丹入寇之翰決漳御河以

固城壁虜不能攻召還歷西京轉運副使

盧懷忠

河間人少有膂力善騎射累官內酒坊使平荆湖有功遷判四方館事知江陵府及卒錄

其子熙爲校書郎

盧郢

金陵人好學有才藝膂力過人善吹鐵笛江南後主時試賦擢第一嘗代徐鉉爲文命筆於吏

口授而書之鉉以大進後主曰語勢似非卿作鉉以實對郢由是知名後歸宋累官南金守多

著治績

盧鑑

字正臣金陵人授三班奉勅監坊州稅厯鳳翔秦隴階成等州都巡檢使善於料敵平蕃族屢

有功後知慶環丹秦等州遷西上閤門使

盧琰

潘川人太平興國中進士累官右諫議大夫知永興軍再為河北轉運使勤於吏職所至以幹

集閑及卒母八十餘無恙真宗憫之以其子士倫為太常博士給祿終養

盧斌

開封人以筆劄事晉邸太宗即位補殿直累授閤門祇候尋為梓遂十二州都巡檢使在峽六

年以孤軍禦寇累立戰功及代還上親加勞問後拜檢校左僕射

盧世豪

光稠五世孫天聖中母沒徙土集墳盧其側盧中甘泉湧出一虎恒為護之縣令表其事

石於

盧多遜

億子周進士官集賢校理宋初累遷翰林學士叅知政事太宗時拜中書侍郎平章事多

遜博涉經史大辭敏給好  
任數有謀略坐事流崖州

盧邵義

博雅人結廬大屏山下讀書其中躬耕以養  
母鄉人稱其孝皇祐中以特科授都官貲外

郎朝奉

大夫

盧政

文水人以神衛都頭從劉平與夏人戰兵敗平  
被執政脫歸仁宗引問狀因自陳失主將當死

帝義其言以為供奉官討貝州賊率勇敢  
登堞大軍乘之後累官至武奉軍節度使

盧草

字仲章德清人少舉童子年十六登進士慶歷  
中知龔州後累官福建湖汀轉運使復請外神

宗謂其廉退宜與嘉郡遂為宣州以光祿卿致  
仕子秉帥渭州乞解官終養帝數賜詔慰勉

盧秉

字仲甫草子未冠有俊譽謁蔣堂坐池亭堂曰  
亭池初通恨林木未茂耳秉曰亭沼如爵位時

來則有之林木非培植根株弗大成似士大夫立名節也堂嘗味其言曰吾子必為佳器中進

士甲科知渭州擊夏酋有功歷知荆南子知原法原

盧知原

字行之德清人為梓州轉運副使後改江西過闕入奏徽宗勉之曰卿在蜀道功效甚著

遂賜三品服卒官徽猷閣待制

盧法原

字立之知原弟自知雍丘縣積官太府少卿歷官龍圖閣學士川陝等路宣撫處置副使

屢上捷奏以才見稱

盧絳

華族子磊落有大志上書南唐後主極陳備禦策累遷沿江都部署及宋已平金陵諸郡皆下絳獨不順宋數遣使諭旨久之乃降宋太宗問何久不降對曰臣知事李氏而已太祖義之

盧奎

字公奎邵武人政和初進士仕至江西運判嘗作毋我論為衆所推號為盧毋我其學多得於

楊龜山晚寓黔中著筆錄十卷

盧士宗

字公彥維州昌樂人舉五經常侍講仁宗御延和殿語講官悉升殿聽其講易進龍圖閣

直學士仁宗崩神主祔廟與禮官議不合出知青州英宗曰學士忠純之操朕所素知宜宜久處外郡名對論知人安民之要勸帝

盧汝舟

大庾人幼治易長習律令政和間以陸藻薦隸御史府廉約宇正不喜深刻紹興中地震

上疏推本劉向京房之意無慮數千言官至武翼大夫

盧宗邁

汝舟姪年十三隸御史府樞密使汪澈臨邊視師檄以自隨熟知險阨澈深嘉之歷館職

大雅練達兩朝日歷成一歲五遷  
官至武翼大夫晚年藏書萬卷

盧臣忠

北使有政和中登第累遷右正言扈駕至建康

數日帝使沒者拯之拱立如生帝  
憫其忠贈右諫議大夫官其二子

盧侗

初海陽人蔡抗以經學薦之授國子監直講熙寧  
初上封事力論王安石新法害民請補外出知

柳循二州以太子中舍致仕侗行  
實朴茂學術優深為鄉里推重云

盧祖臯

字申之永嘉人登慶元第歷館閣嘉定中以  
軍器少監與建人徐鳳竝直北門屬時慶澤

孔殷綸言省布祖臯抒思泉湧號為稱職當揆  
方將處以不次俄卒于官工樂府意度清遠江  
浙間多歌之  
有蒲江集



盧士宏

知信陽軍先是田多虛藉士宏考校令隨實以輸自部使者而下皆十損七八大彥博包

極皆薦其廉能

盧子文

知永興州大興學校復除廣西運判永民艱食又運米賤糶以濟之

盧萬

字經遠吳人景定中為定海令孜孜撫字率以躬行為先甫月餘百廢具興舉築塘捍海濬河

墾田間俗行縣無間寒暑所至輒理詞訟咸得其情未期卒于官民哀悼之

金盧克忠

同知保大軍節度使綏德州卒過鄰城求宿民家剽主人財而去有司執假宿之人繫獄

誣服克忠察其冤獨不肯署未幾果得賊假宿之人遂釋

元盧摯

涿州人仕至翰林學士博學有文思元初稱能詩者必以劉因盧摯為首所著有疎齋集

盧琦

惠安人至正初進士尹永春民視如父母安漢寇亂琦率邑民大破之斬獲千餘人時兵興列

郡洵獨永春晏

然所著有圭峰集

明

盧祥

房山人洪武中歷官刑部侍郎才能著稱從征有功陞本部侍郎卒于官

盧信

黃巖人洪武末由鄉薦歷官句容縣丞轉刑部主事恪勤不急累遷員外郎中官至山東布政

使左  
叅議

盧何生

字允迪南豐人洪武間知溧陽縣以洗冤澤物自任治事暮月刑政為清有刺事官校過

縣挾勢索賄賂何生密以聞上立誅之由是賢何生縣積逋稅萬計民貧無從出何生諭富家

貸輸又令藉荒田以為已業逋皆完在邑四

年有不悅者屢言其短上不聽益勞勉之

盧熊

字公武崑山人質純氣和博學好古洪武間舉秀才除工部照磨以能書授中書舍人閱歲遷

知兗州府治尚和平政多遺愛所著有蘇州志清溪集弟熙為人雅飭信厚博涉經史以薦授

睢州同知與兄名相亞

盧文政

江夏人自幼嗜學溫雅異常領洪武己卯鄉薦為吏部主事累官太僕丞致仕年八十餘

手不釋卷親筆百家之言以啓後所著有歷代一覽

盧方常

涇池人性明敏博通經史洪武間以才行卓越薦仕山東布政使

盧原質

字希魯寧海人洪武二十一年進士第三授翰林編修方孝孺遺原質詩曰奉天殿上榜

初開共賀江南得秀才好與青蘿居士說今年文運屬天台歷官太常少卿事建文君屢有建

白永樂後召見不屈  
死之族其家第原朴

盧迴

仙居人建文三年為戶部侍郎迴跡爽不屑曲謹然大節皎然少喜飲酒飲醉輒長歌人或謂

迴狂既任願折節恭慎北兵起不屈縛就刑長謳而死

盧淵

新建人永樂中貢入太學擢兵部主事尋陞員外郎大著才猷特遷本部侍郎端重謹飭始終

不渝凡所謀為深愜衆意卒賜葬祭贈本部尚書謚恭順

盧彬

字文質長安人初薦學過人宣德進士授戶部主事時朝廷命將代麓川彬督餉因擒數賊餘

皆奔潰陞貴州叅議西水首為亂彬單騎出見諭以禍福咸聽撫化貴地寧靜歷山西叅政

盧秋

新淦人任監察御史天順六年巡撫真定等府振揚憲紀識達時務一道懾服修真定縣學并

建府學尊經閣讀書樓以勵士子一載  
滿軍民具疏保留不果人到于今稱之

盧雍

字廷佐江寧人天順丁丑進士自武庫主事累  
官湖廣左布政使皆有政績居父喪廬於墓側

三年有產芝之異

詔以孝旌其門

盧雍

字師邵常熟人正德進士四川副使弟襄字  
師陳嘉靖進士山西參議兄弟皆有大學

盧應坊

襄子也少失怙事母以孝聞力學甚苦以易  
簡於鄉與國之俊士習業其所為未嘗不由

禮言恂恂不出口退讓如將不勝而操諒復貞  
見不善義形於色鄉人子矯妄為名造作語言  
而行汙市人嘗深嫉之所著  
書皆以勸喻德義不為諛言

盧勳

字汝立號後屏縉雲人嘉靖壬辰進  
士歷南京工部尚書贈太子少保

盧璘

字秀夫餘姚人  
嘉靖乙未進士

盧孝達


字兆周東陽人嘉靖乙未  
進士歷布政司左叅議

盧宗哲

字審卿德州人嘉靖乙未  
進士歷官太僕寺卿

盧柟

字次樞濬縣人先為太學生嘗坐事  
論死得白有集三卷文學見稱于時



萬姓統譜卷十一